

古文辭類纂評註

第十二冊

碑誌類下編七

古文辭類彙評註卷四十七

桐城姚鼐纂集

王介甫虞部郎中贈衛尉卿李公神道碑

鼎按揮塵錄云李定一揚州人傾蘇子瞻者一洪州人字仲求欲與神會蘇子美拒之以與太

獄者然則此衛尉卿蓋即仲求之父又按李虛已傳衛尉卿名虛舟其父名寅又載定官司
蘇少卿為吏有能名而不及傾蘇子美事意宋史亦取誌狀之類為之傳而不復考定耳

嘉祐八年六月某甲子制曰朕初即位大賚羣臣陞朝者及其父母具官某

伏家法

父具官某率德蹈義不躬榮祿能教厥子並為才臣加賜名命序諸卿位所

以勸天下之為人父者豈特以慰孝子之心哉可特贈衛尉卿翌日某甲子

中書下其書告第又副其書賜寬等以待墓焚寬等受書焚其副墓上乃撰

次衛尉官世行治始卒來請曰先人賴天子慶施賜之官三品矣而墓碑未

刻惟德善可以有辭於後世者夫子實聞知某曰然衛尉公墓隧宜得銘久

矣於是為序而銘焉序曰

公姓李氏故隴西人七世祖諱某始遷於光山五世祖諱某以其郡人王閩

從之始為建安人曾祖諱某皆不仕考諱某嘗仕江南李氏稍顯矣江南國

除又舉進士中等以殿中丞致仕有學行名能知人贈其父大理評事而已

徵銘之由

世系

叙公帶叙
伯附法也

歷官

不熱中於
宦途而獨
敦友愛以
先人爲言
非素有能
法者不能
也

近世士大
夫以官爲
家李氏再
世恬退宜
有味乎其
言之也
揭出家法
總束士途
進退借公

亦以子貴。贈至吏部尚書。遊豫章。樂其湖山。曰：吾必終於此。於是又始爲豫章人。尚書之子。伯曰虛己。官至尚書工部侍郎。以材能聞天下。其季則公也。公諱某。字公濟。少篤學。讀書兼晝夜不息。一以進士舉。不中。即以兄蔭爲郊社齋郎。再選福州閩清洪州靖安縣尉。有能名。遷饒州餘干縣令。至於毀淫祠。取其材以爲孔子廟。率縣人之秀者興於學。豪宗大姓。斂手不敢犯法。州將部使者。奏乞與京官。移之劇縣。不報。而坐不覺獄。卒。殺人以免。當是時。侍郎方以分司就第。公曰：吾兄老矣。我得朝夕從之遊。以灑掃先人廬家。尚何求而仕。遂止不復言仕。侍郎之卒也。天子以公試祕書省校書郎。知江州德安縣事。辭不就。後嘗一至京師。大臣交口勸說。欲官之。終以其不可強也。而晏元獻公爲公請。乃除太子洗馬致仕。初尚書未老。棄其官以歸。至侍郎及公之退也。亦皆未老。自尚書至公。再世皆有子。而皆以嚴治其家如吏治。江西士大夫。慕其世德。稱其家法。蓋近世士多外自藩飾爲聲名。而內實罕能治其家。及老。往往顧利冒恥。不知休息。公獨父子兄弟能如此。嗚呼。其可謂賢於人也已。公事親孝。比遭大喪。廬墓六年。然後已。事兄與其寡姊。衣食藥

寄慨
登實其世
德家法由
公搭到其
子

妻室子女

扼定家法
十句世系
祖考

四句由其
兄說到公
八句政績
治家
十句二子
之孝
四句贈卿

物必躬親之。及公老矣。一子就養。如公之爲子弟也。寬嘗爲江浙等路提點鑄錢坑冶。又嘗提點江南西路刑獄。定亦再爲洪州官。不去左右者十二年。皆以才能爲世聞人。以恩遷公官至尙書虞部郎中。階戶部侍郎。勳至護軍。以嘉祐四年七月某甲子卒於豫章之第室。年八十九。夫人長壽縣君趙氏。先公卒八年。旣葬矣。五年某月某甲子。以公葬於夫人之墓左曰雷岡。在新建縣之桃花鄉新里。夫人故衢州人。某官湘之女。湘有文行。尙書與爲友。故爲公娶其女。子三人。寬。定。實。實守祕書省正字。早世。於公之葬也。寬爲尙書司勳員外郎。定爲尙書庫部員外郎。女子二人。已嫁。孫二十有一人。曾孫十有五人。皆率公教無違者。公旣葬。而二子以恩贈公衛尉卿云。銘曰。李世大家。隴西其先。於唐之季。再世光山。移遷於閩。嶺海之間。乃生尙書。節行有偉。始來江南。考室章水。繩繩二子。隱顯兼榮。孰多厚祿。其季維卿。幼壯躬孝。惟君之踐。能不盡用。止於一縣。退以德義。釐身於家。外內肅離。人不疵嗟。亦有二子。維天子使。父曰往矣。致而臣身。子曰歸哉。以甯吾親。以率其婦。左右恂恂。以官就侍。天子之仁。旣具祉福。考終大耋。追榮於幽。乃賜卿號。伐

四句勒石

石西山作爲螭龜營之墓上勒此銘詩

註釋

嘉祐

見曾子固列女傳目錄序

建安

今福建建安縣

豫章

今江西武甯縣

閩清

今福建閩清縣

靖安

今江西靖安縣

餘干

今江西餘干縣

西餘干縣

德安

今江西德安縣

晏元獻公

名殊字同叔撫州臨川人

藩飾

藩同翻翻飾猶掩飾也

洪州

今江西南昌縣

新建

縣今江西新建縣

衢州

見韓退之尚書庫部郎中鄭君墓誌銘

王介甫廣西轉運使孫君墓碑

君少學問勤苦寄食浮屠山中步行借書數百里升樓誦之而去其階蓋數

年而具衆經後遂博極天下之書屬文操筆布紙謂爲方思而數百千言已

就以天聖五年同學究出身補滁州來安縣主簿洪州右司理再舉進士甲

科遷大理寺丞知常州晉陵縣移知潯州潯當是時人未趣學乃改作廟學

召吏民子弟之秀者親爲據案講說誘勸以文藝居未幾旁州士皆來學學

者由此遂多以選通判耀州兵士有訟財而不直者安撫使以爲直君爭之

不得乃奏決於大理大理以君所爭爲是而用君議編於敕慶歷二年擢爲

監察御史裏行於是彈奏狄武襄公不當沮敗劉滬永洛城事有因日食言

陰盛以後宮爲戒仁宗大獵於城南衛士不及整而歸以夜明日將復出有

升樓去階
泚厲可畏
也故特著
之
叙學問
叙外州縣
歷官及政
績
文勢應上

此三事皆
爲御史之
建白

由御史外
出後所歷
之官

轉芻扞敵
公之軍字
特著勞略
爲致疾之
由記所謂
以死勒事
者歟

總揭其治
術建白大
意及其著
述

雉隕於殿中。君奏疏。卽是夜有詔止獵。蠻唐和寇湖南。以君安撫奏事有所不合。因自劾。乃知復州。又通判金州。知漢陽軍。吉州。稍遷至尙書都官員外郎。提點江南西路刑獄。有言常平歲凶當稍貴其粟以利糴本者。詔從之。君言此非常平本意也。詔又從之。儂智高反。君卽出兵二千於嶺以助英。詔會除廣西轉運使。馳至所部。而智高方煽。天子出大臣部諸將兵數萬擊之。君驅散亡殘敗之吏民。轉芻米於惶擾卒急之間。又以餘力督守吏。治城塹修器械。屬州多完。而師飽以有功。君勞居多。以勞遷尙書司封員外郎。初。君請斬大將之北者。發騎軍以討賊。及後。賊所以破滅。皆如君計策。軍罷而人重困。方恃君綏撫。君乘險阻。冒瘴毒。經理出入。啓居無時。以皇祐三年三月初七日卒於治所。年五十四。官至尙書工部郎中。散官至朝奉郎。勳至上騎都尉。君所爲州。整齊其大體。闊略其細故。與賓客談說。弦歌飲酒。往往終日。而能聽用佐屬。盡其力。事以不廢。在御史言事。計曲直利害如何。不顧望大臣。以此無助。所爲文。自少及終。以類集之。至百卷。天德地業。人事之治。掇拾貫穿。無所不言。而詩爲多。君諱抗。字和叔。姓孫氏。得姓於衛。得望於富春。其在

世系妻子
卒葬

另從地理
發論以見
公特起之
難沾概之
益非細之

黟縣。自君之高祖棄廣陵以避孫儒之亂而至。君曾大父諱師睦。善治生。以致富。歲饑。賤出米穀。以斗升付糴者。得驩心於鄉里。大父諱旦。始盡棄其產。而能招士以教子。父諱遂良。當終時。君始十餘歲。後以君故。贈尙書職方員外郎。君初娶張氏。又娶吳氏。又娶舒氏。封太康縣君。五男子。適。邈。迪。适。邁。適。嘗從予遊。年十四。論議著書。足以驚人。終永州軍事推官。邈。今潞州上黨縣令。亦好學。能文。狀君行以求銘者。邈也。君之卒也。天子以适試祕書省校書郎。二女子。一嫁太廟齋郎李簡夫。一嫁進士鄭安平。君以其卒之年十二月二十五日。葬黟縣懷遠鄉上林村。歛之爲州。在山嶺澗谷崎嶇之中。自去五代之亂百年。名士大夫。亦往往而出。然不能多也。黟尤僻陋。中州能人賢士之所罕至。君孤童子。徒步宦學。終以就立。爲朝廷顯用。論次終始。作爲銘詩。豈特以顯孫氏而慰其子孫。乃亦以貽其鄉里。銘曰。

在仁宗世。蠻跳不制。餽師牧民。實有膚使。踐艱乘危。條變畫奇。療毒旣除。膏熨以治。方遷旣隕。哀暨山夷。維此膚使。文優以仕。祿則不殖。其書滿笥。書藏於家。銘在墓前。以告黟人。孫氏之阡。

註釋

天聖

見歐陽永叔蘇氏文集序

學究

宋制殿試貢士有學究之目學究有出身屬吏部

來安

今安徽來安縣

洪州

見虞部郎中贈衛尉卿李公神

道碑

見歐陽永叔集賢院學士劉公墓誌銘

晉陵

見歐陽永叔集賢校理丁君墓表

潯州

今廣西桂平縣

耀州

今陝西耀縣

狄武襄公

狄青

雞鳥名形狀習性與雞相似俗稱野雞

唐和

復州

今奉天復縣

金州

今甘肅金縣

灤

同塹坑也

黔

今安徽黔縣

王介甫寶文閣待制常公墓表

鼎按常公既已秩為諫臣而無所獻替雖介甫親之求為解嘲而安可得

耶

右正言寶文閣待制特贈右諫議大夫汝陰常公以熙甯十年二月己酉卒以五日壬申葬臨川王某誌其墓曰公學不期言也正其行而已行不期聞也信其義而已所不取也可使貧者矜焉而非彫斲以為廉所不為也可使弱者立焉而非矯抗以為勇官之而不事召之而不赴或曰必退者也終此而已矣及為今天子所禮則出而應焉於是天子悅其至虛己而問焉使蒞諫職以觀其迪己也使董學政以觀其造士也公所言乎上者無傳然皆知其忠而不阿所施乎下者無助然皆見其正而不苟詩曰胡不萬年惜乎既病而歸死也自周道隱觀學者所取舍大抵時所好也違俗而適己獨行而

以上未仕時之學行以下出仕後之設施

斡旋

借世俗寄

慨以形公賢

從史邊孟鄒列傳等脫化而來

以善醫善筮為人所起知作網跌無聞

回抱有情表征君兼及二人因同為一鄉之善士也

特起嗚呼。公賢遠矣。傳載公久。莫如以石。石可磨也。亦可泐也。謂公且朽。不可得也。

註釋

熙寧

見蘇子瞻上皇帝書

彫斲

彫通雕斲音琢

泐

音勒石因其脈理而解散曰泐

王介甫處士征君墓表

淮之南有善士三人。皆居於真州之揚子。杜君者。寓於鑿。無貧富貴賤。請之輒往。與之財非義。輒謝而不受。時時窮空。幾不能以自存。而未嘗有不足之色。蓋善言性命之理。而其心曠然無累於物。而予嘗與之語。久之而不厭也。徐君忠信篤實。遇人至謹。雖疾病召筮。不正衣巾。不見寓於筮。日得百數十錢。則止。不更筮也。能為詩。亦好屬文。有集若干卷。兩人者。以鑿筮故。多為賢士大夫所知。而征君獨不聞於世。征君者。諱某。字某。事其母夫人至孝。居鄉里。恂恂恭謹。樂振人之窮急。而未嘗與人校曲直。好蓄書。能為詩。有子五人。而教其三人為進士。某今為某官。某亦再貢於鄉。征君與兩人者相為友。至驩而莫逆也。兩人者皆先征君以死。而征君以某年某月某甲子終於家。年七十七。噫。古者一鄉之善士。必有以貴於一鄉。一國之善士。必

補叙杜徐
名字

有以貴於一國。此道亡也久矣。余獨私愛夫三人者。而樂爲好事者。道之而
征君之子。又以請。於是書以遺之。使之鑿諸墓上。杜君諱嬰。字大和。徐君諱
仲堅。字某。

註釋

揚子

今江蘇
儀徵縣

古文辭類纂評註卷四十七終

碑誌類下編八

古文辭類纂評註卷四十八

桐城姚鼐纂集

王介甫給事中孔公墓誌銘

茅順甫云荆公第一首誌銘須看他頓挫紆徐往往序事中伏議論風神蕭颯處又云於序事中一一點綴而風韻煥發若順江流而看兩岸之山古人所謂應接不暇

叙世系

叙立朝大剛毅諒直四字孔公一生本領

宋故朝請大夫給事中知鄆州軍州事兼管內河堤勸農司羣牧使上護軍魯郡開國侯食邑一千六百戶實封二百戶賜紫金魚袋孔公者尚書工部侍郎贈尚書吏部侍郎諱勗之子。兗州曲阜縣令襲封文宣公贈兵部尚書諱仁玉之孫。兗州泗水縣主簿諱光嗣之曾孫。而孔子之四十五世孫也。其仕當今天子天聖寶元之間。以剛毅諒直名聞天下。嘗知諫院矣。上書請明肅太后歸政天子。而廷奏樞密使曹利用上御藥羅崇勳罪狀。當是時。崇勳操權利。與士大夫為市。而利用悍強不遜。內外憚之。嘗為御史中丞矣。皇后郭氏廢。引諫官御史伏閣以爭。又求見上。皆不許。而固爭之。得罪然後已。蓋

叙歷官

抽叙黜陟
皆與剛毅
諒直相照

叙卒及卹
贈

公事君之大節如此。此其所以名聞天下。而士大夫多以公不終於大位爲天下惜者也。公諱道輔。字厚濟。初以進士釋褐。補甯州軍事推官。年少耳。然斷獄議事。已能使老吏憚驚。遂遷大理寺丞。知兗州僊源縣事。又有能名。其後嘗直史館。待制龍圖閣。判三司理欠。憑由司。登聞檢院。吏部流內銓。糾察在京刑獄。知許。徐。兗。鄆。秦。五州。留守南京。而兗。鄆。御史中丞皆再至。所至官治。數以爭職不阿。或黜或遷。而公持一節以終身。蓋未嘗自絀也。其在兗州也。近臣有獻詩百篇者。執政請除龍圖閣直學士。上曰。是詩雖多。不如孔某一言。乃以公爲龍圖閣直學士。於是人度公爲上所思。且不久於外矣。未幾果復召以爲中丞。而宰相使人說公稍折節以待遷。公乃告以不能。於是又度公且不得久居中。而公果出。初開封府吏馮士元坐獄。語連大臣數人。故移其獄。御史劾士元罪止於杖。又多更赦。公見上。上固怪士元以小吏與大臣交私汙朝廷。而所坐如此。而執政又以謂公爲大臣道地。故出知鄆州。公以寶元二年如鄆。道得疾。以十二月壬申卒於滑州之韋城驛。享年五十四。其後詔追郭皇后位號。而近臣有爲上言公明肅太后時事者。上亦記公平。

叙葬及妻
氏後嗣

補軼事

生所爲。故特贈公尙書工部侍郎。公夫人金城郡君尙氏尙書都官員外郎諱賓之女。生二男子。曰洵。今爲尙書屯田員外郎。曰宗翰。今爲太常博士。皆有行治世其家。累贈公金紫光祿大夫尙書兵部侍郎。而以嘉祐七年十月壬寅葬。公孔子墓之西南百步。公廉於財。樂振施。遇故人子恩厚尤篤。而尤不好鬼神祲祥事。在甯州。道士治眞武像。有蛇穿其前。數出近人。人傳以爲神州。將欲視驗以聞。故率其屬往拜之。而蛇果出。公卽舉笏擊蛇殺之。自州將以下皆大驚。已而又皆大服。公由此始知名。然余觀公數處朝廷大議。視禍福無所擇。其智勇有過人者。勝一蛇之妖。何足道哉。世多以此稱公者。故余亦不得而略也。銘曰。

展也孔公。惟志之求。行有險夷。不改其軌。權強所忌。讒諛所讐。考終厥位。寵祿優游。維皇好直。是錫公休。序行納銘。爲識諸幽。

註釋

曹利用

字用之。趙州甯晉人。

仙源縣

今山東曲阜縣。

滑州

今河南滑縣。

王介甫太子太傅田公墓誌銘

海峯先生云。直序作一氣奔瀉之勢。而中有提掇起伏。故情事屈曲而氣

勢直達

祖有陰德

少時學問

初入仕途
所歷各官

合下觀之
知公與范
文正公等
互相汲引
賢人彙征
之象也
兵事敗壞
另提

自陝西還
後所歷各

田氏故京兆人。後遷信都。晉亂。公皇祖太傅入於契丹。景德初。契丹寇澶州。略得數百人。以屬皇考太師。太師哀憐之。悉縱去。因自脫歸中國。天子以爲廷臣。積官至太子率府。率以終。爲人沉悍篤實。不苟爲笑語。生八男子。多知名。而公爲長子。公少卓犖有大志。好讀書。書未嘗去手。無所不讀。蓋亦無所不記。其爲文章。得紙筆立成。而閎博辨麗。稱天下。初舉進士。賜同學究出身。不就。後數年。遂中甲科。補江甯府觀察推官。以母英國太夫人喪罷去。除喪。補楚州團練判官。用舉者監轉般倉。遷祕書省著作佐郎。又對賢良方正策。爲第一。遷太常丞。通判江甯府。數上書言事。召還。將以爲諫官。方是時。趙元昊反。夏英公范文正公經略陝西。言臣等才力薄。使事恐不能獨辦。請得田某自佐。以公爲其判官。直集賢院。參都總管軍事。自眞宗弭兵。至是且四十年。諸老將盡死。爲吏者不知兵法。師數陷敗。士民震恐。二公隨事鎮撫。其爲世所善。多公計策。大將有欲悉數路兵出擊賊者。朝廷許之矣。公極言其不可。乃止。又言所以治兵者十四事。多聽用。還爲右正言。判三司理欠。憑由司。

乞終喪

服除後所
歷各官及
政績

蜀亂另提

拊循西蜀

守蜀後所

權修起居注。遂知制誥。判國子監。於是陝西用兵未已。人大困。以公副。今宰相樞密副使韓公宣撫。自宣撫歸。判三班院。而河北告兵食闕。又以公往視。而邢州兵士殺通判。閉城爲亂。又以公爲龍圖閣直學士。知成德軍。真定府。定州安撫使。往執殺之。論功。遷起居舍人。又移秦鳳路都總管。經略安撫使。知秦州。遭太師喪。辭起復者久之。上使中貴人手救趣公。公不得已。則乞歸葬。然後起。既葬。託邊事。求見上。曰。陛下以孝治天下。方邊鄙無事。朝廷不爲無人。而區區犬馬之心。尙不得自從。臣卽死。知不瞑矣。因泣然泣數行下。上視其貌甚瘠。又聞其言悲之。乃聽終喪。蓋帥臣得終喪自公始。以樞密直學士爲涇原路兵馬都總管。經略安撫使。知渭州。遂自尙書禮部郎中。遷右諫議大夫。知成都府。充蜀梓利夔路兵馬鈐轄。西南夷侵邊。公嚴兵憚之。而誘以恩信。卽皆稽顙。蜀自王均李順再亂。遂號爲易動。往者得便宜決事。而多擅殺以爲威。至雖小罪。猶并妻子遷出之。蜀流離顛頓。有以故死者。公拊循教誨。兒女子畜其人。至有甚惡。然後繩以法。蜀人愛公。以繼張忠定。而謂公所斷治。爲未嘗有誤。歲大凶。寬賦減徭。發廩以救之。而無餓者。事聞。賜書獎。

歷各官及政績

綜核會計

總上行及敘內行及其爲人

補叙節操守治術推賢納善諸大端文法周密義亦完備

諭遷給事中。以守御史中丞充理檢使。召焉未至。以爲樞密直學士。權三司使。既至。又以爲龍圖閣學士。翰林學士。又遷尙書禮部侍郎。正其使號。自景德會計。至公始復鉤考財賦。盡知其出入。於是人多景德矣。歲所出乃或多於入。公以爲厚斂疾費如此。不可以持久。然欲有所掃除變更。興起法度。使百姓得完其蓄積。而縣官亦以有餘。在上與執政所爲。而主計者不能獨任也。故爲皇祐會計錄上之。論其故。冀以寤上。上固恃公。欲以爲大臣。居頃之。遂以爲樞密副使。又以檢校太傅充樞密使。公自常選數年。遂任事於時。及在樞密爲之使。又超其正。天下皆以爲宜。顧尙有恨公得之晚者。公行內修。於諸弟尤篤。爲人寬厚長者。與人語款款。若恐不得當其意。至其有所守。人亦不能移也。自江甯歸。宰相私使人招之。公謝不往。及爲諫官。於小事近功。有所不言。獨常從容爲上言爲治大方而已。范文正公等皆士大夫所望以爲公卿。而其位未副。公得間輒爲上言之。故文正公等未幾皆見用。當是時。上數以天下事責大臣。慨然欲有所爲。蓋其志多自公發。公所設施。事趣可。功期成。因能任善。不必己出。不爲獨行異言。以時聲名。故功利之在人者多。

疾卒勳階
雷秩

三代妻室
後嗣及葬

興學補叙
交誼徵銘
之由

而事迹可記者止於如此。嘉祐三年十一月。暴得疾不能興。上聞悼駭。敕中貴人太醫問視。疾加損。輒以聞。公卽辭謝求去位。奏至十四五猶不許。而公求之不已。乃以爲尙書右丞。觀文殿學士。翰林侍讀學士。提舉景靈宮事。而公求去位終不已。於是遂以太子太傅致仕。致仕五年。疾遂篤。以八年二月乙酉薨於第。享年五十九。號推誠保德功臣。階特進。勳上柱國。爵開國京兆郡公。食邑三千五百戶。實封八百戶。詔贈公太子太保。而賻賜之甚厚。公諱况。字元均。皇曾祖諱祐。贈太保。皇祖諱行周。贈太傅。皇考諱延昭。贈太師。妻富氏。封永嘉郡夫人。今宰相河南公之女弟也。無男子。以弟之子至安爲主。後女子一人。尙幼。田氏自太師始占其家。開封。而葬陽翟。故今以公從太師葬。陽翟之三封鄉西吳里。於是公弟右贊善大夫洵來曰。卜葬公。利四月甲午。請所以誌其壙者。蓋公自佐江甯。以至守蜀。在所輒興學。數親臨之以進諸生。某少也。與公弟游。而公所進以爲可教者也。知公爲審。銘曰。

田室於姜。卒如龜祥。後其子孫。曠不世史。於宋繼顯。自公攸始。奮其華蕤。配實之美。乃發帝業。深宏卓燁。乃興佐時。再飪調膈。文馴武克。內外隨施。亦有

厚仕。孰無衆毀。公獨使彼若榮。豫已維昔。皇考敢於活人。傳祉在公。不集其身。公又多譽。公宜難老。胡此殆疾。不終壽考。掩詩於幽。爲告永久。

註釋

信都

今直隸深縣。冀縣及河間縣皆其地。

契丹澶州

並見歐陽永叔太尉文正王公神道碑銘。

夏英公

夏竦

范文正公

范仲

淹。韓公

韓琦

秦州渭州

並見歐陽永叔尹師魯墓誌銘。

峙

音雉。屹立也。

嘉祐

見曾子固列女傳目錄序。

王介甫荆湖北路轉運判官尙書屯田郎中劉君墓誌銘

并序

徵序銘之由

籍貫世系

先世高節

科第

入仕

誌劉公亦用富范二

治平元年五月六日。荆湖北路轉運判官尙書屯田郎中劉君。年五十四。以官卒。三年。卜十月某日。葬真州揚子縣蜀岡。而子洙。以武寧章望之狀來求銘。噫。余故人也。爲序而銘焉。序曰。君諱牧。字先之。其先杭州臨安縣人。君曾大父諱彥琛。爲吳越王將。有功。刺衢州。葬西安。於是劉氏又爲西安人。當太宗時。嘗求諸有功於吳越者。錄其後。而君大父諱仁祚。辭以疾。及君父諱知禮。又不仕。而鄉人稱爲君子。後以君故。贈官至尙書職方郎中。君少則明敏。年十六。求舉。進士不中。曰。有司豈枉我哉。乃多買書。閉戶治之。及再舉。遂爲舉首。起家饒州軍事推官。與州將爭公事。爲所擠。幾不免。及後。將范文正公至。君大喜。曰。此吾師也。遂以爲師。文正公亦數稱君。勉以學。君論議仁恕。急

公生色蓋
荆公素重
二公故每
言之不倦

孫石帶見

人之窮於財物無所顧計。凡以慕文正公故也。弋陽富人爲客所誣。將抵死。君得實以告。文正公未甚信。然以君故。使吏雜治之。居數日。富人得不死。文正公由此愈知君。任以事。歲終。將舉京官。君以讓其同官有親而老者。文正公爲嘆息許之。曰。吾不可以不成君之善。及文正公安撫河東。乃始舉君可治劇。於是君爲兗州觀察推官。又學春秋於孫復。與石介爲友。州旱蝗。奏便宜十餘事。其一事。請通登萊鹽商。至今以爲賴。改大理寺丞。知大名府館陶縣。中貴人隨契丹使往來多擾縣。君視遇有理。人吏以無所苦。先是縣多盜。君用其黨推逐。有發輒得。後遂無爲盜者。詔集強壯刺其手爲義勇。多惶怖不知所爲。欲走。君諭以詔意。爲言利害。皆就刺。欣然曰。劉君不吾欺也。留守稱其能。雖府事往往咨君計策。用舉者通判廣信軍。以親老不行。通判建州。當是時。今河陽宰相富公。以樞密副使使河北。奏君掌機宜文字。保州兵士爲亂。富公請君撫視。君自長垣乘驛至其城下。以三日。會富公罷出。君乃之建州。方并屬縣諸里。均其徭役。人大喜。而遭職方君喪以去。通判青州。又以母夫人喪罷。又通判廬州。朝廷弛茶權。以君使江西。議均其稅。蓋期年而後。

不敢自恃
明敏謹慎
從事此所
以為能吏

廉吏

妻子

能吏而受
知於兩路
賢竟仕大
不遂以常
調終憤惜
之至文抑
揚頌挫音
節淒厲銘
命字從銘
中補出銘

反客曰平生聞君敏而敢為。今濡滯若此何故也。君笑曰是固君之所能易也。而我則不能。且是役也。朝廷豈以為他。亦曰愛人而已。今不深知其利害。而苟簡以成之。君雖以吾為敏。而人必有不勝其弊者。及奏事皆聽。人果便之。除廣南西路轉運判官。於是修險阨。募丁壯。以減戍卒。徙倉便輸。考攝官功次。絕其行賕。居二年。凡利害無所不興廢。乃移荆湖北路。至踰月卒。家貧。無以為喪。自棺槨諸物。皆荆南士人為具。君娶江氏。生五男二女。男曰洙。沂。汝。為進士。洙以君故。試將作監主簿。餘尚幼。初君為范富二公所知。一時士大夫爭譽其才。君亦慨然自以當得意。已而連遭流落。抑沒於庸人之中。幾老矣。乃稍出為世用。若將有以為也。而既死。此愛君者所為恨惜。然士之赫為世所願者。可睹矣。以君始終得喪相除。亦何彼負之有哉。銘曰。嗟乎劉君。宜壽而顯。何畜之久。而施之淺。雖或止之。亦或使之。惟其有命。故止於斯。

註釋

治平

見蘇子瞻上皇帝書

揚子

見處士征君墓表

臨安

見蘇子瞻表忠觀碑

衢州

見韓退之尚書庫部郎中鄭公墓誌銘

西安

今陝

西長安縣 饒州

見歐陽永叔資政殿學士文正范公神道碑銘

館陶

見劉才甫送張閣中序

建州

今福建建甌縣

青州

見歐陽永叔資政殿學士文正范公神道碑銘

廬州

見韓退之試大理評事王君墓誌銘

濡滯濡久待也遲留曰滯猶言久滯也

賅受賦曰賅

迤邐

音匪迤邐難行不進貌

王介甫泰州海陵縣主簿許君墓誌銘

海峯先生云以議論行序事而感歎深摯跌蕩昭朗荆公此等誌文最可

愛 鼎按宋史許元傳元固趨勢之士平蓋亦非君子故介甫語含譏刺

君諱平字秉之姓許氏余嘗譜其世家所謂今泰州海陵縣主簿者也君既

與兄元相友愛稱天下而自少卓犖不羈善辨說與其兄俱以智略為當世

大人所器寶元時朝廷開方略之選以招天下異能之士而陝西大帥范文

正公鄭文肅公爭以君所為書以薦於是得召試為太廟齋郎已而選泰州

海陵縣主簿貴人多薦君有大才可試以事不宜棄之州縣君亦常慨然自

許欲有所為然終不得一用其智能以卒噫其可哀也已士固有離世異俗

獨行其意罵譏笑侮困辱而不悔彼皆無衆人之求而有所待於後世者也

其齟齬固宜若夫智謀功名之士窺時俯仰以赴勢物之會而輒不遇者乃

亦不可勝數辨足以移萬物而窮於用說之時謀足以奪三軍而辱於右武

之國此又何說哉嗟乎彼有所待而不悔者其知之矣君年五十九以嘉祐

前段叙節
節伏後議
論之根

後段議就
不遇上發
一番感慨
沈鬱豪邁

補叙卒葬
妻嗣

銘不讓韓

通篇純發
議論格調
自異而文
思倍加沈

古文辭類纂評語

某年某月某甲子葬真州之揚子縣甘露鄉某所之原。夫人李氏子男瓌不仕。璋真州司戶參軍。琦太廟齋郎。琳進士。女子五人。已嫁二人。進士周奉先。泰州泰興令陶舜元。銘曰。

有拔而起之。莫擠而止之。嗚呼。許君而已於斯。誰或使之。

註釋

寶元

見歐陽永叔王夢升墓誌銘

海陵縣

今江蘇秦縣

齟齬

齟不正而參差出入曰齟齬。意見不相合亦曰齟齬。

右武

漢書公孫弘傳

守成上文。遭遇右武。師古註。右亦上也。

王介甫王深父墓誌銘

吾友深父。書足以致其言。言足以遂其志。志欲以聖人之道為己任。蓋非至於命弗止也。故不為小廉曲謹以投眾人耳目。而取舍進退去就。必度於仁義。世皆稱其學問文章行治。然真知其人者不多。而多見為迂闊不足趣時合變。嗟乎。是乃所以為深父也。令深父而有以合乎彼。則必無以同乎此矣。嘗獨以謂天。之生夫人也。殆將以壽考成其材。使有待而後顯。以施澤於天下。或者誘其言以明先王之道。覺後世之民。嗚呼。孰以為道不任於天。德不酬於人。而今死矣。甚哉。聖人君子之難知也。以孟軻之聖。而弟子所願止於

志未就書
未具本無
可傳低回
太息說得
有可傳而
人不知是
空中結撰
法

管仲晏嬰。況餘人乎。至於揚雄。尤當世之所賤簡。其爲門人者。一侯芭而已。芭稱雄書以爲勝周易。易不可勝也。芭尙不爲知雄者。而人皆曰古之人。生無所遇合。至其沒久而後世莫不知。若軻雄者。其沒皆過千歲。讀其書知其意者甚少。則後世所謂知者未必真也。夫此兩人以老而終。幸能著書。書具在。然尙如此。嗟乎深父。其智雖能知軻。其於爲雄雖幾可以無悔。然其志未就。其書未具。而旣早死。豈特無所遇於今。又將無所傳於後。天之生夫人也。而命之如此。蓋非余所能知也。深父諱回。本河南王氏。其後自光州之固始遷福州之侯官。爲侯官人者三世。曾祖諱某某官。祖諱某某官。考諱某。尙書兵部員外郎。兵部葬潁川之汝陰。故今爲汝陰人。深父嘗以進士補薄州衛真縣主簿。歲餘。自免去。有勸之仕者。輒辭以養母。其卒以治平二年七月二十八日。年四十三。於是朝廷用薦者。以爲某軍節度推官。知陳州南頓縣事。書下而深父死矣。夫人曾氏。先若干日卒。子男一人某。女二人皆尙幼。諸弟以某年某月某日葬深父某縣某鄉某里。以曾氏祔。銘曰。嗚呼深父。維德之仔肩。以迪祖武。厥艱荒遐。力必踐取。莫吾知庸。亦莫吾侮。

神則尙反歸形此土

註釋

侯芭

見韓退之與馮宿論文書

侯官

今福建閩侯縣

汝陰

今安徽阜陽縣

王介甫建安章君墓誌銘

海峯先生云其來如春水之驟至故佳

以下發揮不外自放不羈有高節大度之句意

從韓鄭羣墓銘中段融化而出取證

絕藝自諱斯為之高

君諱友直。姓章氏。少則卓越。自放不羈。不肯求選舉。然有高節。大度過人之材。其族人郇公為宰相。欲奏而官之。非其好不就也。自江淮之上。嶺南之間。以至京師。無不游。將相大人豪傑之士。以至閭巷庸人小子。皆與之交際。未嘗有所忤。莫不得其歡心。卒然以是非利害加之。而莫能見其喜愠。視其心。若不知富貴貧賤之可以擇而取也。頽然而已矣。昔列禦寇莊周。當文武末世。哀天下之士。沈於得喪。陷於毀譽。離性命之情。而自託於人。偽以爭須臾之欲。故其所稱述。多所謂天之君子。若君者似之矣。君讀書通大指。尤善相人。然諱其術。不多為人道之。知音樂書畫奕碁。皆以知名於一時。皇祐中。近臣言君文章善篆。有旨召試。君辭焉。於是太學篆石經。又言君善篆。與李斯陽冰相上下。又召君。君即往。經成。除試將作監主簿。不就也。嘉祐七年十一

疾卒妻子

先世及葬

世系

下孝弟忠
信之效先
見之於此

月甲子以疾卒於京師年五十七娶辛氏二男存孺為進士五女子其長嫁
常州晉陵縣主簿傅其璠早卒璠又娶其中女次適蘇州吳縣黃元二人未
嫁君家建安者五世其先則豫章人也君曾祖考諱某佐江南李氏為建州
軍事推官祖考諱某皇著作佐郎贈工部尚書考諱某京兆府節度判官君
以某年某月某甲子葬潤州丹陽縣金山之東園銘曰

弗績弗雕弗跂以為高俯以狎於野仰以游於朝中則有實視銘其昭

註釋

列禦寇莊周

並見蘇子瞻韓非論

石經

後漢立太學石經以正五經文字

李斯

見蘇子瞻志林魯隱公

陽冰

李陽冰善小篆自謂

倉頡後身時謂之筆虎

王介甫孔處士墓誌銘

先生諱攸字甯極睦州桐廬縣尉諱詢之曾孫贈國子博士諱延滔之孫尚
書都官員外郎諱昭亮之子自都官而上至孔子四十五世先生嘗欲舉進
士已而悔曰吾豈有不得已於此邪遂居於汝州之龍興山而上葬其親於
汝汝人爭訟之不可平者不聽有司而聽先生之一言不羞犯有司之刑而
以不得於先生為恥慶歷七年詔求天下行義之士而守臣以先生應詔於

古文辭類纂評註

碑誌類下編八

八

不屈高節

卒葬妻女

補叙行誼
即洗發前
文之所以
然爲篇中
之主峰也

迴抱
由行略帶
文高識遠想

不待於世
而節行卓
然自見推
進一層說

是朝廷賜之米帛。又敕州縣除其雜賦。嘉祐三年。近臣多言先生有道德。可用而執政度以爲不肯屈。除守祕書省校書郎。致仕四年。近臣又多以爲言。乃召以爲國子監直講。先生辭。乃除守光祿寺丞。致仕五年。大臣有請先生爲其屬縣者。於是天子以知汝州龍興縣事。先生又辭未聽。而六月某日。先生終於家。年六十七。大臣有爲之請命者。乃特贈太常丞。至七月某日。弟瞻葬先生於堯山都官之兆。而以夫人李氏祔。李氏故大理評事昌符之女。生一女。嫁爲士人妻。而先物故。先生事父母至孝。居喪如禮。遇人恂恂。雖僕奴不忍以辭氣加焉。衣食與田桑有餘。輒以賙其鄉里。貧而後不能償者。未嘗問也。未嘗疑人。人亦以故不忍欺之。而世之傳先生者多異。學士大夫有知而能言者。蓋先生孝弟忠信。無求於世。足以使其鄉人畏服之如此。而先生未嘗爲異也。先生博學。尤喜易。未嘗著書。獨大衍一篇傳於世。考其行治。非有得於內。其孰能致此耶。當漢之東徙。高守節之士。而亦以故成俗。故當世處士之聞。獨多於後世。乃至於今。知名爲賢而處者。蓋亦無有幾人。豈世之所不尚。遂溼沒而無聞。抑士之趨操。亦有待於世耶。若先生固不爲有待於

世而卓然自見於時。豈非所謂豪傑之士者哉。其可銘也已。銘曰。
有入而不出。以身易物。有往而不反。以私其佚。嗚呼先生。好潔而無尤。匪佚
之爲私。惟志之求。

註釋

汝州

今河南臨汝縣

龍興

今河南寶豐縣

王介甫臨川王君墓誌銘

總冒揭明
孝字
能竭吾才
主句

叙孝力能
有之句應

孝之所推
惟力是視

豐約兩面
寫來以見

其能力之
盡有不
雖有不至
二句繳上
以下發議
逼真史漢

孔子論天子諸侯卿大夫士庶人之孝。固有等矣。至其以事親爲始而能竭
吾才。則自聖人至於士。其可以無憾焉。一也。余叔父諱師錫。字某。少孤則致
孝於其母。憂悲愉樂。不主於己。以其母而已。學於他州。凡被服飲食玩好之
物。苟可以愜吾母而力能有之者。皆聚以歸。雖甚勞窘。終不廢。豐其母以及
其昆弟姑姊妹。不敢愛其力之所能及。約其身以及其妻子。不敢慊其意之
所欲爲。其外行則自鄉黨鄰里。及其嘗所與遊之人。莫不得其歡心。其不幸
而蚤死也。則莫不爲之悲傷歎息。夫其所以事親能如此。雖有不至。其亦可
以無憾矣。自庠序聘舉之法壞。而國論不及乎閨門之隱。士之務本者。常詘
於浮華淺薄之材。故余叔父之卒。年三十七。數以進士試於有司。而猶不得

上不以孝
行爲貴而
務本之士
不見重於
世一層
時論又以
苟難爲賢
故王君不
見重於世
己身無意
求人知一
轉激宕無
君子惜無
以勸懲作
收

叙科第官
階

祿賜以寬一日之養焉。而世之論士也。以苟難爲賢。而余叔父之孝。又未有以過古之中制也。以故世之稱其行者亦少焉。蓋以叔父自爲。則由外至者。吾無意於其間可也。自君子之在勢者觀之。使爲善者不得職而無以成名。則中材何以勉焉。悲夫。叔父娶朱氏。子男一人某。女子一人。皆尙幼。其葬也。以至和四年。耐於眞州某縣某鄉銅山之原。皇考諫議公之兆。爲銘。銘曰。天孰爲之。窮孰爲之。爲吾能爲。已矣無悲。

註釋

慊

音歉。恨也。

庠序

殷曰序。周曰庠。鄉學之名也。

王介甫兵部員外郎馬君墓誌銘

海峯先生云。序次與田太傅同一機法。

馬君諱遵。字仲塗。世家饒州之樂平。舉進士。自禮部至於廷書。其等皆第一。守祕書省校書郎。知洪州之奉新縣。移知康州。當是時。天子更置大臣。欲有所爲。求才能之士。以察諸路。而君自大理寺丞除太子中允。福建路轉運判官。以憂不赴。憂除。知開封縣。爲江淮荆湖兩浙制置發運判官。於是君爲太常博士。朝廷方尊寵其使事。以監六路。乃以君爲監察御史。又以爲殿中侍

居官剛柔
悉協

不能以私
干之證

簡老

卒葬妻子

叙交誼徵
銘之由即
夾論身世
悲憤欲絕

御史遂爲副使已而還之臺以爲言事御史至則彈宰相之爲不法者宰相
用此罷而君亦以此出知宣州至宣州一日移京東路轉運使又還臺爲右
司諫知諫院又爲尙書禮部員外郎兼侍御史知雜事同判流內銓數言時
政多聽用始君讀書卽以文辭辯麗稱天下及出仕所至號爲辦治論議條
鬯人反覆之而不能窮平居頽然若與人無所諧及遇事有所建則必得其
所守開封常以權豪請託不可治客至有所請君輒善遇之無所拒客退視
其事一斷以法居久之人知君之不可以私屬也縣遂無事及爲諫官御史
又能如此於是士大夫歎曰馬君之智蓋能時其柔剛以有爲也嘉祐二年
君以疾求罷職以出至五六乃以爲尙書吏部員外郎直龍圖閣猶不許其
出某月某甲子君卒年四十七天子以其子某官某爲某官又官其兄子持
國某官夫人某縣君鄭氏以某年某月某甲子葬君信州之弋陽縣歸仁鄉
裏沙之原君故與予善予常愛其智略以爲今士大夫多不能如惜其不得
盡用亦其不幸早世不終於富貴也然世方懲尙賢任智之弊而操成法以
一天下之士則君雖壽考且終於貴富其所畜亦豈能盡用哉嗚呼可悲也

25036

公殉節大臣
當如此大
力振起

聽斷當於
民心自然
思之不忘
伏後

古文辭類纂諸詩

已既葬。夫人與其家人謀而使持國來以請曰。願有紀也。使君為死而不朽。乃為之論次。而繫之以辭曰。

歸以才能兮。又予以時。投之遠塗兮。使驟而馳。前無禦者兮。後有推之。忽稅不駕兮。其然奚為。哀哀煢婦兮。孰慰其思。墓門有石兮。書以余辭。

註釋

樂平

今江西樂平縣

奉新

今江西奉新縣

康州

今廣東高要縣

宣州

見韓退之與崔羣書

弋陽

今江西弋陽縣

王介甫贈光祿少卿趙君墓誌銘

茅順甫云此篇如秋水可掬又云王公文斂散曲折處有法皆得之天授

非人力所及

儂智高反廣南。攻破諸州。州將之以義死者二人。而康州趙君。余嘗知其為

賢者也。君用叔祖蔭。試將作監主簿。選許州陽翟縣主簿。潭州司法參軍。數

以公事抗轉運使。連劾奏君。而府將為君訟於朝。以故得無坐。用舉者為溫

州樂清縣令。又用舉者就除寧海軍節度推官。知衢州江山縣。斷治出己。當

於民心。而吏不能得民一錢。棄物道上。人無敢取者。余嘗至衢州。而君之去

江山。蓋已久矣。衢人尚思君之所為。而稱說之不容口。又用舉者改大理寺

絕不矜張
而赴義之
烈自見

從卒盡死
生色
補綴小事
知公性命
之學甚精
固非專尚
血氣者所
可比也
借卒葬可
以見二州
民心之不
忘諱染清
麗應前

籍貫三代
及妻室

丞知徐州彭城縣祀明堂恩改太子右贊善大夫移知康州至二月而儂智
高來攻君悉其卒三百以戰智高爲之少卻至夜君顧夫人取州印佩之使
負其子以匿曰明日賊必大至吾知不敵然不可以去汝留死無爲也明日
戰不勝遂抗賊以死於是君年四十二兵馬監押馬貴者與卒三百人亦皆
死而無一人亡者初君戰時馬貴惶擾至不能食飲君獨飽如平時至夜貴
臥不能著寢君卽大斲比明而後寤夫死生之故亦大矣而君所以處之如
此嗚呼其於義與命可謂能安之矣君死之後二日而州司理譚必始爲之
棺斂又百日而君弟至遂護其喪歸葬至江山江山之人老幼相攜扶祭哭
其迎君喪有數百里者而康州之人亦請於安撫使而爲君置屋以祠安撫
使以君之事聞天子贈君光祿少卿官其一子覲右侍禁官其弟子試將作
監主簿又以其弟潤州錄事參軍師陟爲大理寺丞簽書泰州軍事判官廳
公事君諱師旦字潛叔其先單州之成武人曾祖諱晟贈太師祖諱和尙書
比部郎中贈光祿少卿考諱應言太常博士贈尙書屯田郎中自君之祖始
去成武而葬楚州之山陽故今爲山陽人而君弟以嘉祐五年正月十六日

葬君山陽上鄉仁和之原。於是夫人王氏亦卒矣。遂舉其喪以祔。銘曰。可以無禍。有功於時。玩君安榮。相顧莫為。誰其視死。高蹈不疑。嗚呼康州。銘以昭之。

鼉

陽翟

今河南禹縣

潭州

今湖南長沙縣

樂清

今浙江樂清縣

江山

今浙江江山縣

彭城

見蘇子瞻徐州上皇帝書

悉

皆也漢書

悉引兵渡河

鼉

音翰鼻聲為鼉臥息也

山陽

今江蘇淮安縣

碑誌類下編九

古文辭類纂評註卷四十九

桐城姚鼐纂集

王介甫廣西轉運使蘇君墓誌銘

王銍默記云歐陽文忠慶歷中為諫官銳意言事大忤權貴除修起居注知制誥未幾以龍圖閣直學士為河北都運令

內侍供奉官王昭明同往相度河事公言侍從出徙故事無內臣同行之理臣實恥之朝廷從之會公甥張氏幼孤鞠育於家嫁姪晟與僕陳諫犯姦事發鞠於開封府右軍巡院張懼罪圖自解免語引及公軍巡判官著作佐郎孫揆止勘張與諫通事不復枝蔓宰相聞之怒再命太常博士三司戶部判官蘇安世勘之又差王昭明者盛勘蓋以公前事欲令釋憾也昭明至獄見安世所勘案牘駭曰昭明在官家左右無三日不說歐陽修今省判所勘乃迎合宰相意加以大惡異日昭明吃劍不得安世聞之大懼竟不易揆所勘但劾歐公用張氏資買田產立戶事奏之宰相大怒公既降知制誥知滁州而安世坐牒三司取錄問人吏不聞奏降殿中丞泰州監稅昭明降壽春監稅其後王荊公為蘇安世埋銘盛稱能回此獄而世殊不知揆守之於前昭明主之於後使安世不能有變改迎合也則二人可謂奇士矣

叙次中能
備輕重淺
深之法文
致抑揚盡

慶曆五年河北都轉運使龍圖閣直學士信都歐陽修以言事切直為權貴人所怒因其孤甥女子有獄誣以奸利事天子使三司戶部判官太常博士武功蘇君與中貴人雜治當是時權貴人連內外諸怨修者為惡言欲傾修銳甚天下汹汹必修不能自脫蘇君卒白上曰修無罪言者誣之耳於是權貴人大怒誣君以不直絀使為殿中丞泰州監稅然天子遂寤言者不得意而修等皆無恙蘇君以此名聞天下嗟乎以忠為不忠而誅不當於有罪人主之大戒然古之陷此者相隨屬以有左右之讒而無如蘇君之救是以卒

以剛字了
蘇君意氣
以仁智二
字次其吏
業感慨中
有法度

至於敗亡而不寤。然則蘇君一動其功於天下。豈小也哉。蘇君既出逐。權貴人更用事。凡五年之間再赦。而君六徙。東西南北。水陸奔走。輒萬里。其心恬然。無有怨悔。遇事強果。未嘗少屈。蓋孔子所謂剛者。殆蘇君矣。蘇君之仁與智。又有足稱者。嘗通判陝府。當葛懷敏之敗。邊告急。樞密使使取道路戍還之卒。再戍儀渭。於是延州還者千人。至陝。聞再戍。大怨。卽謹聚謀爲變。吏白閉城。城中無一人敢出。君徐以一騎出。卒開諭慰止之。而便宜還使者。戍卒喜曰。微蘇君吾不得生。陝人亦曰。微蘇君吾其掠死矣。有令刺陝西之民以爲兵。敢亡者死。既而亡者得。有司治之以死。君輒縱去。而言上曰。令民以死者爲事不集也。事集矣。而亡者猶不赦。恐其衆相聚而爲盜。惟朝廷幸哀憐愚民。使得自反。天子以君言爲然。而三十州之亡者皆不死。其後知坊州州稅賦之無歸者。里正代爲之輸。歲弊大家數十。君悉鈞治。使歸其主。坊人不憂爲里正。自蘇君始也。蘇君諱安世。字夢得。其先武功人。後徙蜀。蜀亡。歸家於京師。今爲開封人也。曾大考諱進之。率府副率。大考諱繼。殿直。考諱咸熙。贈都官郎中。君以進士起家。三十二年。

方侍郎云。起家自家起而尊用也。自荆公誤用。而明代人遂有云。以尙書起家。以毛詩起家者。魚按。

在家曰居。出仕曰起。非必尊用也。曰起家三十二年。猶言仕三十二年。爾義自可通。不可以明人之誤。而追貶荆公也。其卒年五十九。爲廣西轉運使。而

官止於屯田員外郎者。以君十五年不求磨勘也。君娶南陽郭氏。又娶清河

張氏。爲清河縣君。子四人。台文。永州推官。祥文。太廟齋郎。炳文。試將作監主

簿。彥文。未仕。女子五人。適進士會稽江崧。單州魚臺縣尉江山。趙揚。三人尙

幼。君既卒之三年。嘉祐二年十月庚午。其子葬君揚州之江都東甯鄉馬坊

村。而太常博士知常州軍州事王某爲銘曰。

皇有四極。周綏以福。使維蘇君。奠我南服。元元蘇君。不圓其方。不晦其明。君

子之剛。其枉在人。我得吾直。誰懟誰慍。祗天之役。日月有邱。其下冥冥。昭君

無窮。安石之銘。

註釋

其功於天下

其代詞。謂蘇君。有功於天下也。

儀渭

今甘肅通渭縣西南地。

鉤除

也。

王介甫臨川吳子善墓誌銘

臨川吳氏。有子興宗。字子善。年二十喪母。而其父以生事付之。則先日出以

作。後日入以息。日午矣。家一人未飯。其夫婦必尙空腹。天寒矣。其一人未纊。

其夫婦必尙單衣。蓋如此者二十年而終。三十年而已死。凡嫁五妹。辦數喪。

徑述孝友
行誼文筆
跌宕簡峭
使震川爲
之真質有
餘而無此

奇氣矣

教之有法
亦躬行之
效

卒葬及作
銘之由

三代及妻
子

又以其筋力之餘及於鄉黨。苟有故。必我勞人佚。先往後歸。而尤篤於友愛。見弟有過。則顏色愈溫。須飲酒歡極之間。乃微示以意。既而卽泣下曰。吾親屬我以汝。吾所以不避艱險者。保汝而已。其弟終感悟。悔改爲善士。以文學名於世。此待其弟乃爾。若於他人。則絕口不涉其非。然里中少年。聞其警欬之音。往往逃匿。若匿不及。則俛首恐愧。而嘗有所絀。一至訟庭。及著械。同絀數十人。爲之皆哭。掌獄者驚起白守。守立免焉。其見畏愛多此類。某謂其父爲諸舅。甚知其所爲。故於其弟子經孝宗之求誌以葬也。爲道而不辭。子善嘗應進士舉。後專於耕養。遂不復應。其死以治平四年八月九日。而十二月十五日。與其母黃氏共葬於靈源村父墓之域中。父諱偃。亦有行義。用疾弗仕。祖諱表微。尙書屯田員外郎。曾祖諱英。殿中丞。初妻姓王氏。一男良弼。皆前卒。再娶楊氏。生堯适。枉。堯始九歲。而四女幼者一歲云。

註釋

纒繫也。絀音卦或作星。行有礙也。。治平見蘇子瞻上皇帝書。

王介甫葛興祖墓誌銘

許州長社縣主簿葛君諱良嗣。字興祖。其先處州之麗水人。而興祖之父。徙

籍貫三代

觀其小事
不怠真能
有所爲者

稱其小仕
而不怠忽
是極善舉
處
妻子卒葬

居明州之鄞。興祖葬其父潤州之丹徒。故今又爲丹徒人矣。曾大父諱遇。不仕。大父諱吁。贈尙書都官郎中。父諱源。以尙書度支郎中終。仁宗時度支。君三子。當天聖景祐之間。以文有聲。赫然進士中。先人嘗受其贄。閱之終篇。而屢歎葛氏之多子也。旣而三子者。伯仲皆蚤死。獨其季在。卽興祖。興祖博知多能。數舉進士。角出其上。而刻勵修潔。篤於親友。慨然欲有所爲。以效於世者也。年四十餘。始以進士出仕州縣。餘十年。而卒窮於所遇。以死。嗟乎。命不可控引。而才之難恃。以自見。蓋久矣。然興祖於仕。未嘗苟聞人疾苦。欲去之。如在己。其臨視。雖細故。人不以屬耳目者。必皆致其心。論者多怪之。曰。興祖且老矣。弊於州縣。而服勤如此。余曰。是乃吾所欲於興祖。夫大仕之則奮。小仕之則怠。忽以不治。非知德者也。興祖聞之。以余言爲然。興祖娶胡氏。又娶鄭氏。其卒年五十三。實治平二年三月辛巳。其葬以胡氏祔。在丹徒之長樂鄉顯揚村。卽其年十一月某甲子也。興祖三男子。繁蘊皆有文學。繁許州臨穎縣主簿。蘊鄧州穰縣主簿。蘋尙幼也。四女子皆未嫁云。銘曰。

蹇於仕以爲人。尤不憚施以年。孰主孰謀。無大憾於德。又將何求。

註釋

長社

今河南長葛縣

麗水

今浙江麗水縣

鄞

今浙江鄞縣

丹徒

見歐陽永叔湖州長史蘇君墓誌銘

天聖景祐

並宋仁宗年號

角

校也。慙，疑去聲，且也。發語辭。

王介甫金溪吳君墓誌銘

君和易罕言。外如其中。言未嘗極。人過失。至論前世善惡。其國家存亡治亂。成敗所由。甚可聽也。嘗所讀書甚衆。尤好古而學其辭。其辭又能盡其議論。年四十三。四以進士試於有司。而卒困於無所就。其葬也。以皇祐六年某月。日撫州之金溪縣歸德鄉石廩之原。在其舍南五里。當是時。君母夫人既老。而子世隆世範皆尚幼。三女子。其一卒。其二未嫁云。嗚呼。以君之有。與夫世之貴富而名聞天下者。計焉。其獨歎彼耶。然而不得祿以行其意。以祭以養。以遺其子孫以卒。此其士友之所以悲也。夫學者將以盡其性。盡性而命可知也。知命矣。於君之不得意。其又何悲耶。銘曰。

蕃君名。字彥弼。氏吳。其先自姬出。以儒起家。世冕黻。獨成之難。幽以折。厥銘維切。訂君實。

歎歎欲絕

一悲一解
吳君可以
無恨矣此
等機軸於
荆公為習
見然自佳
妙在不
說在不多
變調

註釋

金溪

今江西金溪縣

王介甫亡兄王常甫墓誌銘

先生七歲好學。毅然不苟戲笑。讀書二十年。當慶歷中。天子以書賜州縣。大置學。先生學完行高。江淮間州爭欲以爲師。所留輒以詩書禮易春秋授弟子。慕聞來者往往千餘里。磨礱淬濯成就其器。不可勝數。而先生始以進士下科補宣州司戶。至三月。轉運使以監江甯府鹽院。又三月卒。又七月葬。則卒之明年四月也。實皇祐四年。墓在先君東南五步。先君姓王氏。諱益。官世行治。既有銘。先生其長子。諱安仁。字常甫。年三十七。生兩女。嗚呼。先生之道。德蓄於身而施於家。不博見於天下。文章名於世。特以應世之須爾。大志所欲論著。蓋未出也。而世之工言能使不朽者。又知先生莫能深。嗚呼。先生之所存。其卒於無傳耶。始先生常以爲功與名不足懷。蓋亦有命焉。君子之學。盡其性而已。然則先生之無傳。蓋不憾也。雖然。先生孝友最隆。委百世之重。而無所屬以傳。有母有弟。方壯而奪之。使不得相處以久。先生尙有知。其無窮憂矣。嗚呼。以往而推存。痛其有已耶。痛其有已邪。先生有文十五卷。其弟既次以藏其家。又次行治藏於墓。嗚呼。酷矣極矣。銘止矣。其能使先生傳邪。

峭折之等
貢至之文
此等機杼
先生屢用
之
本祭十二
郎文而以
傳不傳宛
轉呻痛

此文脫胎
李元賓墓誌

簡潔謹嚴
無一贅語
通篇承接
處有若一
筆書而痛
惜之意自
見於詞表

註釋

慶歷皇祐

並宋仁
宗年號

王介甫王平甫墓銘

君臨川王氏諱安國字平甫贈太師中書令諱明之曾孫贈太師中書令兼
尚書令諱用之之孫贈太師中書令兼尚書令康國公諱益之子自卯角未
嘗從人受學操筆爲戲文皆成理年十二出其所爲銘詩賦論數十篇觀者
驚焉自是遂以文學爲一時賢士大夫譽歎蓋於書無所不該於詞無所不
工然數舉進士不售舉茂才異等有司考其所獻序言第一又以母喪不試
君孝友養母盡力喪三年常在墓側出血和墨書佛經甚衆州上其行義不
報今上即位近臣共薦君材行卓越宜特見招選爲繕書其序言以獻大臣
亦多稱之手詔褒異召試賜進士及第除武昌軍節度推官教授西京國子
未幾校書崇文院特改著作佐郎祕閣校理士皆以謂君且顯矣然卒不偶
官止於大理寺丞年止於四十七以熙甯七年八月十七日不起越元豐三
年四月二十七日葬江甯府鍾山母楚國太夫人墓左百有十六步有文集
六十卷妻曾氏子旂旃女壻葉濤處者四女濤有學行知名旂旃亦皆疑疑

有立君社所施庶在於此。

釋

熙寧元豐

並宋神宗年號

旌

音旌

音宜旌

小兒有知也

王介甫僊源縣太君夏侯氏墓碣

僊源縣太君夏侯氏。濟川鉅野人。尚書駕部員外郎諱晟之子。翰林侍讀學士尚書戶部侍郎諱公諱嶠之孫。贈太子太師諱浦之曾孫。尚書兵部員外郎知制誥知鄧州軍州事陽夏公謝氏諱絳之夫人。太常博士通判汾州軍州事景初之母。年二十三卒。後五年葬杭州之富陽。於是時陽夏公為太常丞祕閣校理。博士生五歲矣。而其女兒一人亦幼。又十五年。康定二年。博士舉夫人如鄧以合於陽夏公之墓。而臨川王某書其碣曰。

作配卒葬

夫人之賢
皆從旁面
叙出

表碣之故

夫人以順為婦。而交族親以謹。以嚴為母。而撫媵御以寬。陽夏公之名。天下莫不聞。而曰吾不以家為恤。六年於此者。夫人之相我也。故於其卒。聞者欲其有後。而夫人之子。果以才稱於世。嗚呼。陽夏公之事在太史。雖無刻石。吾知其不朽矣。若夫夫人之善。不有以表之。隧上其能與公之烈相久而傳乎。此博士所以屬予之意也。予讀詩惟周士大夫侯公之妃。修身飭行。動止以

用經義爲
佐證借世
俗爲反形

詩禮之神

叙婦德幾
無遺美

無奇特之
行而中庸

禮能輔佐勸勉其君子。而王道賴以成。蓋其法度之教非一日。而習俗不得不然也。及至後世。自當世所謂賢者。於其家不能以獨化。而夫人卓然如此。惜乎其蚤世也。願其行治。雖列之於風。以爲後世觀。豈愧也哉。

註釋

仙源

見給事中孔公墓誌銘

濟川鉅野

今山東濟寧道鉅野縣南

富陽

今浙江富陽縣

隧

墓道自平地破陀斜下以入壁壙者曰隧。隧上謂隧

道之上也

王介甫曾公夫人萬年縣太君黃氏墓誌銘

夫人江寧黃氏。兼侍御史知永安場諱某之子。南豐曾氏贈尚書水部員外郎諱某之婦。贈諫議大夫諱某之妻。凡受縣君封者四。蕭山江夏遂昌洛陽受縣太君封者二。會稽萬年。男子四。女子三。以慶歷四年某月日卒於撫州。壽九十有二。明年某月葬於南豐之某地。夫人十四歲無母。事永安府君至孝。修家事有法。二十三歲歸曾氏。不及舅水部府君之養。以事永安之孝事姑。陳留縣君。以治父母之家。治夫家。事姑之黨。稱其所以事姑之禮。事夫與夫之黨。若嚴上然。眎子慈。眎子之黨若子然。每自戒不處白人善否。有問之曰。順爲正。婦道也。吾勤此而已。處白人善否。靡靡然爲聰明。非婦人宜也。以

自不可及
感化之效

六句概世
俗作反照
八句贊夫
人

從義論起
終節無變
志篇旨

籍貫家世

作配

此為女與婦。其傳而至於沒。與為女婦時弗差也。故內外親無老幼疎近。無智不能。尊者皆愛。輩者皆附。卑者皆慕之。為女婦在其前者。多自歎不及。後來者皆曰。可矜法也。其顏色在視聽。則皆得所欲。其離別。則涕洟不能捨。有疾皆憂。及喪來弔哭。皆哀有餘。於戲。夫人之德如是。是宜有銘者。銘曰。女子之德。煦願愉愉。教隳弗行。婦妾乘夫。趨為亢厲。勵之顛愚。猗嗟夫人。惟德之經。媚於族姻。柔色淑聲。其究女初。不傾不盈。誰疑不信。來監於銘。

註釋

撫州

今江西臨川縣

南豐

見曾子固先大夫集後序

眎同

王介甫僊居縣太君魏氏墓誌銘

臨川王某曰。俗之壞久矣。自學士大夫。多不能終其節。況女子乎。當是時。僊居縣太君魏氏。抱數歲之孤。專屋而閒居。躬為桑麻。以取衣食。窮苦困阨久矣。而無變志。卒就其子。以能有家。受封於朝。而為里賢母。嗚呼。其可銘也。於其葬。為序而銘焉。序曰。魏氏其先江甯人。太君之曾祖諱某。光祿寺卿。祖諱某。池州刺史。考諱某。太子諭德。皆江南李氏時也。李氏國除。而諭德易名。居中。退居於常州。以太君為賢。而選所嫁。得江陰沈君諱某。曰。此可以與吾女

特著年歲
與無變志
照應後志
之賢德應
上以歲之
孤句

矣。於是時。太君年十九。歸沈氏。歸十年。生兩子。而沈君以進士甲科為廣德軍判官以卒。太君親以詩論語孝經教兩子。兩子就外學時數歲耳。則已能誦此三經矣。其後子迴為進士。子遵為殿中丞。知連州軍州。而太君年六十有四。以終於州之正寢。時皇祐二年六月庚辰也。嘉祐二年十二月庚申。兩子葬太君江陰申港之西懷仁里。於是遵為太常博士。通判建州軍州事。而沈君贈官至太常博士。銘曰。

山朝於躋。其下惟谷。續我博士。夫人之淑。其淑維何。博士其家。二子翼翼。萼跗其華。誥誥諸孫。其實其葩。孰云其昌。其始萌芽。皇有顯報。曰維在後。碩大蕃衍。封牲以告。視銘考施。夫人之效。

註釋

仙居 今浙江仙居縣

池州 見歐陽永叔翰林院侍講給事中梅公墓誌銘

李氏 指南唐

常州 今江蘇武進縣

連州 見韓退之柳子厚墓

誌 誥 音莘衆多和集之貌

王介甫鄭公夫人李氏墓誌銘

尚書祠部郎中贈戶部侍郎安陸鄭氏諱紆之夫人追封汝南郡太君李氏者。尚書駕部郎中贈衛尉卿文蔚之子也。光州僊居縣令贈工部員外郎諱

如未嘗貧
主句寫其
人帶寫其
夫以證其
感化之效

帖之孫以祥符九年嫁至天聖九年年三十二以八月壬辰卒於其夫為安
州應城縣主簿之時後三十七年為熙甯元年八月庚申祔於其夫安陸太
平鄉進賢里之墓於是夫人兩子獮為祕書丞知潭州攸縣獮為翰林學士
尚書兵部員外郎知制誥一女子嫁郊社齋郎張蒙山夫人敏於德詳於禮
事皇姑稱孝內諧外附上下裕如鄭公大姓嘗以其富主四方之游士至侍
郎則始貧而專於學夫人又故富家盡其資以助賓祭補紉澣濯饘爨朝夕
人有不任其勞苦夫人歡終日如未嘗貧故侍郎亦以自安於困約之時如
未嘗富鄭氏蓋將日顯矣而夫人不及其顯祿嗚呼良可悲也於其葬臨川
人王某為銘曰

于嗟夫人歸孔昭兮竊其為德婉有儀兮命云如何壯則萎兮烝烝令子悲
慕思兮有嚴葬祔祭祀祇兮告哀無窮銘此詩兮

註釋

祥符

宋真宗年號

應城

見歐陽永叔大理寺丞狄君墓誌銘

安陸

今湖北鍾祥縣

攸

今湖南攸縣

饘

音熾炊黍稷曰饘儀禮特性饋食禮主婦

視饘爨于西堂下

古文辭類纂評註卷四十九終

碑誌類下編十

古文辭類纂評註卷五十

桐城姚鼐纂集

歸熙甫亡友方思曾墓表

海峯先生云學荆公爲文折旋有氣

叙卒葬表墓

蓋字起一段前以難天之生材論後半接高入思會憤憾逃禪竟至背道句旨以應論

余友方思曾之沒。適島夷來寇。權厝於某地。已而其父長史公官四方。子昇幼。不克葬。某年月日。始耐於其祖侍御府君之墓。來請其墓上之文。亦以葬未有期。不果爲。至是始畀其子昇。俾勒之於石。蓋天之生材甚難。其所以成就之尤難。夫其生之者。率數千百中之人。得一人而已耳。其一人者。果出於數千百人之中。則其所處必有以自異。而不肯同於數千百人之爲。而其所值又有以激之。是以不克安居徐行。以遽入於中庸之道。則天之所以成材者。其果尤難也。思曾少負奇逸之姿。年二十餘。以禮經爲京闈首薦。既一再試。春闈不利。則自叱而疑曰。吾所爲以爲至矣。而又不得。彼必有出於吾術之外者。則使人具書幣走四方。求嘗已得高第者。與夫邑里之彥。悉置之於家。而館餼之。其人亦有爲顯官以去者。然思曾自負其材。顧彼之術。實不能

有加於吾。遂厭棄不能以久。方其試而未得也。則憤憾而有不屑之志。其後每偕計吏行。時時絕大江。徘徊北岸。輒返棹登金焦二山。徜徉以歸。與其客飲酒放歌。絕不與豪貴人通。間與之相涉。視其齷齪。必以氣陵之。聞爲佛之學於臨安者。思曾往師之。作禮讚歎。求其解說。自是遇禪者。雖其徒所謂墮龍啞羊之流。卽跪拜施舍。冀得真乘焉。而人遂以思曾果溺於佛之說。不知其有所不得志而肆意於此。以是知古之毀服童髮。逃山林而不處。未必皆精志於其教。亦有所憤而爲之者也。以思曾之材。有以置之。使之無憤憾之氣。其果出於是耶。然使假之以年。以至於今。又安知其憤憾不益甚。而將不出於是耶。抑彼其道空蕩。條然不與世競。而足以消其憤憾之氣耶。抑將平其氣。無待於外。安居徐行。而至於中庸之塗也。此吾所以歎天之成材爲難也。思曾諱元儒。後更爲欽儒。曾祖曰麟。贈承德郎禮部主事。祖曰鳳。朝列大夫。廣東僉事。前監察御史。父曰築。今爲唐府長史侍御。與兄鵬同年舉進士。侍御以忤權貴出。而兄爲翰林春坊。至太常卿。亦罷歸。思曾後起。謂必光顯於前之人。而竟不得位以歿。時嘉靖某年月日也。春秋四十。娶朱氏。福建都

思曾一段
前半叙家
世及妻氏
後嗣後半
插入自己
追憶與思
曾往還愛
慕

表墓揭出
天字以應
論旨

世冑籍貫

轉運鹽使司判官希陽之女男一人昇女三人皆側出思曾少善余余與今
李中丞廉甫晚步城外隍橋每望其廬悵然而返其相愛慕如此後余同為
文會又同舉於鄉思曾治園亭田野中至梅花開時輒使人相召余多不至
而思曾時乘肩輿過安亭江上必盡醉而歸嘗以余文示上海陸詹事子淵
有過獎之語思曾凌曉乘船來告余非求知於世者而亦有以見思曾愛余
之深也思曾之葬也陳吉甫既為銘余獨痛思曾之材使不得盡其所至亦
為之致憾於天而已矣

註釋

厝

浮葬也

齷齪

急促局陜貌

啞羊

法苑珠林若人禮拜不得如啞羊不語當相問訊

嘉靖

見周弦齋壽序

歸熙甫趙汝淵墓誌銘

宋熙陵九王子其八為周恭肅王元儼恭肅王生定王允良定王生安康郡
王宗絳安康郡王生南陽侯仲鑛南陽侯生處州兵馬鈐轄士翮士翮始遷
嚴陵士翮生保義郎不玷又自嚴陵徙浦江不玷生三觀使武經郎善近善
近生武翼郎汝涅汝涅生崇僊自定王以後至崇僊始失其官為士庶崇僊
生必俊必俊生良仁始自浦江徙吳今長洲之金莊也良仁生友端友端生

妻室及卒
葬後嗣

六句北狩
公族被俘
六句周王
裔散處延
祚有士
六句承世
行克承世
澤

季永季永生同芳。同芳生懋。懋生四子。濂潛深濱。潛者汝淵諱也。汝淵於兄弟次在二。授室於昆山真義里朱氏。汝淵年六十有六。卒嘉靖四十二年十一月某日。朱孺人年五十五。卒嘉靖三十八年正月某日。生子男一人。世貞。孫男四人。和平和順和德皆夭。最後生和敬。孫女一人。其葬以隆慶二年十一月某日。墓在長洲之某鄉。宋自青城之難。王子三千餘人。盡為北俘。其散處四方。僅僅有存者。若周王之後。以詩書世其家。故譜系頗可攷。其在長洲同魯。其賢者也。同魯於汝淵為再從父。汝淵夫婦。孝敬修士人之行。世貞方將以進士起其家。世貞於余先妻魏氏。內外兄弟也。故屬余銘。銘曰。宋失維城。宗淪於朔。哀哉重昏。鼎折覆餗。不仁之殃。迨其九族。存者子遺。逃竄而延。惟恭肅王。當世稱賢。宜其子孫。百葉以傳。宜君宜王。今為士庶。亦修於家。魚菽以祭。曷以銘之。不媿其世。

註釋

涅音音倭音隆慶

明穆宗年號

青城之難

靖康元年十一月金人破京師。欽宗如青城粘沒喝軍。奉表稱降。留二宿乃還。二年二月范瓊逼上

皇及后妃太子如青城四月。金人以二帝及后妃太子宗戚諸臣等北去。

歸熙甫沈貞甫墓誌銘

此叙其相識往還之由

此叙其往還親密之由

此論貞甫之為人及其嗜古癖死以迂字應上嗤笑陋窮至友相感益深矣

此言貞甫死後之寂

自余初識貞甫時。貞甫年甚少。讀書馬鞍山浮屠之偏。及余娶王氏。與貞甫之妻為兄弟。時時過內家相從也。余嘗入鄧尉山中。貞甫來共居。日遊虎山西崦。上下諸山。觀太湖七十二峯之勝。嘉靖二十年。余卜居安亭。安亭在吳淞江上。界崑山嘉定之壤。沈氏世居於此。貞甫是以益親善。以文字往來無虛日。以余之窮於世。貞甫獨相信。雖一字之疑。必過余考訂。而卒以余言為然。蓋余屏居江海之濱。二十年間。死喪憂患。顛倒狼狽。世人之所嗤笑。貞甫了不以人之說而有動於心。以與之上下。至於一時富貴翁赫。衆所觀駭。而貞甫不予易也。嗟夫。士當不遇時。得人一言之善。不能忘於心。余何以得此於貞甫耶。此貞甫之歿。不能不為之慟也。貞甫為人。伉厲。喜自修飾。介介自持。非其人未嘗假以詞色。遇事激昂。僮仆無所避。尤好觀古書。必之名山。及浮屠老子之宮。所至掃地焚香。圖書充几。聞人有書。多方求之。手自抄寫。至數百卷。今世有科舉速化之學。皆以通經學古為迂。貞甫獨於書知好之如此。蓋方進於古而未已也。不幸而病。病已數年。而為書益勤。余甚畏其志。而憂其力之不繼。而竟以病死。悲夫。余初在安亭。無事每過其精廬。啜茗論文。

寔悲嘆

此叙卒葬及其妻氏後嗣

祖父妻室後嗣卒葬

世系籍貫歐公銘其

或至竟日。及貞甫沒而余復往。又經兵燹之後。獨徘徊無所之。益使人有荒江寂寞之歎矣。貞甫諱果。字貞甫。娶孟氏。無子。養女一人。有弟曰善。繼善述。其卒以嘉靖三十四年七月日。年四十有二。卽以是年某月日。葬於某原之先塋。可悲也已。銘曰。

天乎命乎不可知。其志之勤而止於斯。

註釋

馬鞍山

一名崑山。在江蘇崑山縣。山上有浮屠。

鄧尉山

一名光福山。在江蘇吳縣西南。嗤笑貌。

翁

合也。

浮屠

見歐陽永叔釋惟儼文序。

序。老子道教之祖。李伯陽也。

歸熙甫歸府君墓誌銘

敘爲田處極酣恣似貨殖傳

府君姓歸氏。諱椿。字天秀。大父諱仁。父諱祚。母徐氏。嘉靖十五年正月初八日卒。年七十一。娶曹氏。父諱永。大母高氏。嘉靖十年三月十九日卒。年六十八。子男三。雷霆。電。女一。適錢操。孫男四。諫。縣學生。謨。訓。皆國學生。讓。幼。女三。曾孫男六。以嘉靖二十六年十二月庚申日。合葬於馬涇。實瀆涇。按歸氏出春秋胡子。後滅於楚。其子孫在吳。世爲吳中著姓。至唐宣公。仍世貴顯。封爵。

叔父允詳
於世震川
亦師其意
也

深悉水利
農學叙事
酣恣頗似
貨殖傳

以古重田
功爲根據
以今不重
田功及乏
任田事之
人反跌府
君
此等文境
得史記之
神實歐王
所未關

官序具載唐史。宋湖州判官罕仁居太倉。其別子居常熟之白茆。居白茆已數世矣。由湖州而下。差以昭穆。府君我曾大父城武公兄弟行也。府君初爲農。已乃延禮師儒。教訓諸孫。彬彬向文學矣。府君少時亦嘗讀書。後棄之。夫婦晨夜力作。白茆在江海之壩。高仰瘠鹵。浦水時浚時淤。無善田。府君相水遠近。通溪置閘。用以灌溉。其始居民鮮少。茅舍歷落數家而已。府君長身古貌。爲人倜儻。好施舍。田又日墾。人稍稍就居之。遂爲廬舍。市肆如邑居云。晚年諸子悉用其法。其治數千畝。如數十畝。役屬百人如數人。吳中多利水。田府君家獨以旱田。諸富室爭逐肥美。府君選取其磽者。曰。顧吾力可不可。田無不可耕者。人以此服府君之精。蓋古之王者之於田功勤矣。下至保介田。峻遂師。遂大夫。縣正里宰司稼。設官用人。如是悉也。漢二千石遣令長三老力田。及里父老善田者受田器。學耕種。養苗狀。時趙過蔡癸之徒。皆以好農爲大官。今天下田獨江南治耳。中原數千里。三代畎澮之迹。未有復也。議者又欲放前元海口萬戶之法。治京師瀕海萑葦之田。以省漕壯國本。茲事行之實便。而久不行。豈不以任事者難其人耶。或往往歎事功之不立。謂世無

其人若府君。豈非世之所須也。銘曰。

昔在顓頊。曰惟我祖。緜緜汝穎。蹙於荆楚。迄唐而昌。鳴玉接武。湖州來東。海

魚為伍。亦有別子。居白茆浦。曠然江海。寂無煙火。孰生聚之。府君之撫。府君

頎頎。才無不可。實剛晦之。終古瀉鹵。黍稷薿薿。有萬斯畝。曷不虎符。藏於茲

土。

註釋

孺水邊地也

磽地之堅硬瘠薄者曰磽

萑荻也

葦蘆也

薿薿音擬茂也

歸熙甫女二二壙志

女二二生之年。月戊戌。戊午。其日時又戊戌。戊午。余以為奇。今年余在光福

山中。二二不見。余輒常常呼余。一日余自山中還。見長女能抱其妹。心甚喜。

及余出門。二二尚躍入余懷中也。既到山數日。日將晡。余方讀尚書。舉首忽

見家奴在前。驚問曰。有事乎。奴不即言。第言他事。徐卻立曰。二二今日四鼓

時已死矣。蓋生三百日而死。時為嘉靖己亥三月丁酉。余既歸。為棺斂。以某

月日瘞於城武公之墓。嗚呼。余自乙未以來。多在外。吾女生既不知。而死又

不及見。可哀也已。

點綴生情

補述遠祖
詳序所畧
十二句世
系十句府君
力田生聚

嗚咽

此等小文
無依傍絕
高古

從小事點綴
綴着色字
字帶悽惋
之氣是震
絕之所獨

寫先生之

註釋

瘞音醫埋

光福即鄧尉山

歸熙甫女如蘭壙志

須浦先塋之北。纍纍者故諸塲冢也。坎方封有新土者。吾女如蘭也。死而埋之者。嘉靖乙未中秋日也。女生踰周。能呼余矣。嗚呼。母微而生之。又艱。余以其有母也。弗甚加撫。臨死乃一抱焉。天果知其如是。而生之奚爲也。

註釋

殤音商。禮記。年十六至十九死爲長殤。十二至十五死爲中殤。八歲至十一歲死爲下殤。七歲以下爲無服之殤。生未三月不爲殤。微衰弱也。

歸熙甫寒花葬志

婢。魏孺人媵也。嘉靖丁酉五月四日死。葬虛邱。事我而不卒。命也夫。婢初媵時。年十歲。垂雙鬢。曳深緣布裳。一日天寒。燕火。煮勑薺熟。婢削之盈甌。余入自外。取食之。婢持去不與。魏孺人笑之。孺人每令婢倚几旁飯。卽飯。目眶冉冉動。孺人又指余以爲笑。回思是時。奄忽便已十年。吁。可悲也已。

註釋

媵音孕。送也。以好娣送女曰媵。猶今言陪嫁也。

方靈臯杜蒼略先生墓表

先生姓杜氏。諱芥。字蒼略。號些山。湖廣黃岡人。明季爲諸生。與兄濬避亂居

古文萃類卷下

碑誌類下編十

五

通以茶村之峻形起

有此知先廉隅亦仍生之通而峻特其外與茶村不同耳
寫先生之沖澹以自己及父兄親入愈見仍以茶村仲收

金陵即世所稱茶村先生也。二先生行身畧同而趣各異。茶村先生峻廉隅。孤特自遂。遇名貴人必以氣折之。於衆人未嘗接語言。用此叢忌嫉。然名在天下。詩每出。遠近爭傳誦之。先生則退然一同於衆人。所著詩歌古文。雖子弟弗示也。方壯喪妻。遂不復娶。所居室漏且穿。木榻敝帷。數十年未嘗易。室中終歲不掃除。有子教授里巷間。窶艱。每日中不得食。男女啼號。客至無水漿。意色間無幾微不自適者。間過戚友。坐有盛衣冠者。即默默去之。行於途。嘗避人。不中道與人語。雖兒童厮與。惟恐有傷也。初余大父與先生善。先君子嗣從遊。苞與兄百川亦獲侍焉。先生中歲道仆。遂跛。而好遊。非雨雪常獨行。徘徊墟莽間。先君子暨苞兄弟。暇則追隨。尋花蒔。玩景光。藉草而坐。相視而嘻。沖然若有以自得。而忘身世之有係牽也。辛未壬申間。苞兄弟客遊燕齊。先生悄然不怡。每語先君子曰。吾思二子。亦爲君惜之。先生生於明萬曆丁巳四月初九日。卒於康熙癸酉七月十九日。年七十有七。後茶村先生凡七年。而得年同。所著些山集藏於家。其子琰以某年月日卜葬某鄉某原。來

徵辭銘曰。

蔽其光中不息也。虛而委蛇。與時適也。古之人歟。此其的也。

註釋

黃岡

見韓退之曹成玉碑

跛

音播足偏廢也

墟

大邱也

莽

草也。高丈許。葉長橢圓形。有透明小點。花瓣細長。色黃白。氣臭有毒。

係

同繫。縛也。

萬

歷明神宗年號

康熙

清聖祖年號

方靈臯李抑亭墓誌銘

雍正十年冬十月朔後九日。過吾友抑亭。遂赴海淀。次日歸。聞抑亭瘞而瘖。

日再往視。越六日而死。始予見君於其世父文貞公所。終日溫溫。非有問不

言。及供事蒙養齋。始習而慕焉。期月而后。無貴賤老少。背面皆曰李君君子

人也。其後予移武英殿領修書事。首舉君自助。殿中無貴賤老少。稱之如蒙

養齋。君自入翰林。再充順天鄉試同考官。典試雲南。士論翕然。視學江西。高

安朱相國。每曰。百年中無或並也。按察使李蘭以咨革諸生。君常難之。刻君

牽制有司之法。而彈章亦具列其廉明。予自獲交文貞。習於李氏族姍。及泉

漳間。士大夫。其私論鄉人各向皆有。而信君無異辭。君被劾。當降補國子監

丞。羣士日夜望君之至。既受職。長官相慶。而泣事未彌月。用此六館之士。尤

深痛焉。往者歲在戊申。君弟鍾旺。蹙而瘖。卒於君寓。予既哭而銘之。君在江

歷述為人
欽慕及盡
職

病同其兄

先叙其子弟之喪後述其死處之速處己以見親密故舊一日既撤手情亦不堪文節哀響凄節酷似廬陵

籍貫科第著述

父母兄弟

妻室子女

兩弟並叙繳上

銘詞開闔層折

西喪其良子清江。又為之銘以塞君悲。而今復見君之死。古者親舊相與宴樂。而樂歌之辭。乃曰死喪無日。無幾相見。有以也。君在蒙養齋及殿中。與予共晨夕。各一二年。返自江西。無兼旬不再三見者。辛亥春。予益病衰。凡公事必私引君自助。無旬日不再三見者。一日不見而君疾。一言不接而君死。故每欲銘君。則愴然不能舉其辭。喪歸有日矣。乃力疾而就之。君諱鍾僑。字世邵。福建泉州安溪縣人。康熙壬午舉於鄉。壬辰成進士。年四十有四。所著論語孟子講蒙十卷。詩經測義十卷。易解八卷。藏於家。尚書周官皆有說未就。父諱鼎徵。康熙庚申舉人。戶部主事。誥授奉直大夫。母莊氏。贈宜人。兄弟五人。四舉甲乙科。兄天寵。自入翰林十餘年。與君相依。皆不取室人自隨。痛兩弟羈死。乃引疾送君之喪以歸。君娶黃氏。敕封孺人。子五人。四舉甲乙科。長清載。庚戌進士。兵部武選司額外主事。次清芳。癸卯舉人。揀選知縣。次清江。癸卯舉人。揀選知縣。次清愷。壬子副榜貢生。次清時。壬子舉人。世父撫為己子女一。適士族。以某年月日葬於某鄉某原。銘曰。

蓄之也深而施者微。將踵武於儒先。而年命摧。悼予生之無成。將猶有望者。

夫人而今誰與歸。

註釋

海澱

在京師一
作海甸

蹙

失足顛
仆也

瘖

口不能言
謂之瘖

雍正

清世宗
年號

劉才甫舅氏楊君權厝誌

舅氏楊君諱紹爽字穉棠於書無所不讀少工爲科舉之文而鬱不得志既困無所合而讀書益奮發不衰年已老頭白且禿猶依燈火坐讀禮經至城上三鼓不輟蓋君之於書自其天性而非以求名聲利祿也舅氏性剛直於尋常人未嘗苟有所酬答與鄉人處雖貴顯有不善卽面責不少依阿臨財廉執事果可謂好學有道君子者也娶邱氏累生男不育而舅氏遂無子以康熙六十年六月二十七日病癱而卒嗚呼可痛也舅氏於諸甥中尤愛憐櫪嘗撫予指吾父而言曰此子殆能大劉氏之門然未知吾及見之否平居設酒食召櫪與飲舅氏自提觴行趣令醉櫪謝已醉不能飲舅氏笑曰予性嗜酒每過從人家飲酒主飲者不趣予飲吾意輒不樂以此度人意皆然乃者舅氏實飲汝酒當不使甥意不樂也酒半仰首歔歔徐顧謂櫪曰予窮於世今老且暮且死然未有子息汝讀書能爲古文辭其傳於後世無疑當爲

總揭人品

無子篇中之眼

借飲酒設色筆極曲折逼真震

繳上無子
凄然欲絕

我作傳。則吾雖無子。猶有子焉。榭受命而退。未及爲而舅氏遂舍予以卒。悲夫。君既卒之七日。其兄子某。以君之柩權厝於縣城北月山之麓。榭涕泣而爲之誌。

〔註釋〕

依阿

依違而曲阿也。

癰

外症也。生於肌肉堅厚之處。赤腫者爲癰。不赤腫者爲疽。

歔歔

言悲泣氣咽而抽息也。

古文辭類纂評註卷五十終

雜記類一

古文辭類纂評註卷五十一

桐城姚鼐纂集

韓退之鄆州谿堂詩並序

鄆音運秦為薛郡漢為東平國春秋齊人來歸鄆即此地也今山東東平縣西北

固須簡重
臣鎮之

得民心

盡職

獨一方寧
字馬公之
善政

以難制之
勢而治之
裕如

識民情所
以得民心

憲宗之十四年始定東平三分其地以華州刺史禮部尚書兼御史大夫扶
風馬公為鄆曹濮節度觀察等使鎮其地既一年褒其軍號曰天平軍上即
位之二年召公入且將用之以其人之安公也復歸之鎮上之三年公為政
於曹鄆濮也適四年矣治成制定衆志大固惡絕於心仁形於色搏心一力
以供國家之職於時沂密始分而殘其帥其後幽鎮魏不悅於政相繼扇變
復歸於舊徐亦乘勢逐帥自置同於三方惟鄆也截然中居四鄰望之若防
之制水恃以無恐然而皆曰鄆為虜巢且六十年將彊卒武曹濮於鄆州大
而近軍所根抵皆驕以易怨而公承死亡之後撥拾之餘剝膚椎髓公私掃
地赤立新舊不相保持萬目睽睽公於此時能安以治之其功為大若幽鎮
魏徐之亂不扇而變此功反小何也公之始至衆未熟化以武則忿以憾以
恩則橫而肆一以為赤子一以為龍蛇憊心罷精磨以歲月然後致之難也

堂之建也
下以體民
心上以彰
君惠

咏嘆展轉
結力千鈞

奇情

韻語自有
氣力

及教之行。衆皆戴公爲親父母。夫畔父母從仇讐。非人之情。故曰易。於是天子以公爲尙書右僕射。封扶風縣開國伯。以褒嘉之。公亦樂衆之和。知人之悅。而侈上之賜也。於是爲堂於其居之西北隅。號曰谿堂。以饗士大夫。通上下之志。既饗。其從事陳曾謂其衆曰。公之畜此邦。其勤不亦至乎。此邦之人。纍公之化。惟所令之。不亦順乎。上勤下順。遂躋登茲。不亦休乎。昔者人謂斯何。今者人謂斯何。雖然。斯堂之作。意其有謂。而暗無詩歌。是不考引公德而接邦人於道也。乃使來請。其詩曰。帝奠九壘。有葉有年。有荒不條。河岱之間。及我憲考。一收正之。視邦選侯。以公來尸。公來尸之人。始未信。公不飲食。以訓以詢。孰饑無食。孰呻孰歎。孰冤不問。不得分願。孰爲邦蠹。節根之螟。羊很狼貪。以口覆城。吹之煦之。摩手拊之。箴之石之。疇而磔之。凡公四封。既富以彊。謂公吾父。孰違公令。可以師征。不寧守邦。公作谿堂。播播流水。淺有蒲蓮。深有蒹葦。公以賓燕。其鼓駭駭。公燕谿堂。賓校醉飽。流有跳魚。岸有集鳥。旣歌以舞。其鼓考考。公在谿堂。公御琴瑟。公暨賓贊。稽經誦律。施用不差。人用不屈。谿有蕢芘。有龜有魚。公在中流。右詩左書。無我敦遺。此邦是庥。

註釋

始定東平

東平，今山東東平縣境。憲宗十四年，平盧都知兵馬使劉悟殺其節度使李師道以降青淄十二州皆平。

三分其地

楊於陵為淄青宣慰使，分其地為三道，以鄆曹濮為一道，馬摠鎮之，青齊登萊為一道，薛平鎮之，兗海沂密為一道，王遂鎮之，鄆見前漢。今山東濮縣、曹、今曹縣。

節度使

賜號天平軍，從馬摠奏也。

上之二年

穆宗長慶二年也。穆宗以憲宗元和十五年正月即位。

沂密始分而殘其帥

沂，今山東沂水縣。密，今高

密縣

元和十四年，沂海將王弁殺其觀察使王遂稱留後。

幽鎮魏相繼扇變

幽，今直隸大興縣西南。鎮，今正定縣。魏，今大名縣。扇與煽同。長慶元年，幽州盧龍軍都知兵馬使朱克融囚其節度使張弘靖以反，同時成德軍大將王廷湊殺其節度使田弘正亦反。二年，魏博節度使田布自殺。兵馬使史憲成自稱留後。

徐遂帥自置

徐，今江蘇銅山縣。長慶二年，武寧軍節度使副使王智與，逐其節度使崔羣。

二方

幽鎮魏也。

鄆為虜巢且六十年

謂永泰元年，以平盧兵馬使李正己為本軍節度使，傳子納，納子師道，至元和十四年敗，掃地赤立。

睽睽

音奎，張目貌。

罷

與疲同，困極勞瘁也。

侈

微張貌。

畜

養也。

纍

繫也，言各簡相綴也。

喑

失聲不能言。

九壤

壙同塵，九州也。

河

黃河也。

嶼

嶼，蛤也，在稻葦或葉稍之間，食其髓汁而稻為之枯。

拊

同撫。

膊

音博，上肢也。近肩之部曰膊。上膊近手之部曰下膊。

磔

音摘，音鄒，謀也。斃也。音事為輒。

蕘

音萍也，浮生水面，體扁平，面青背紫，有一鬚根下垂，成即蕘，葉如蒲。

敦

音春末中心生白苔，曰菘菜。夏秋時開花成長穗，結實如米，曰菘米。

敗壞

音休，庇也。

麻

音休，庇也。

韓退之藍田縣丞廳壁記

藍田，今陝西藍田縣。

丞之職所以貳令於一邑，無所不當問。其下主簿尉主簿尉乃有分職。丞位高而偏，例以嫌不可否事。文書行，吏抱成案詣丞，卷其前，錯以左手，右手摘紙尾，雁鶩行以進。平立睨丞曰：當署。丞涉筆占位，署惟謹。目吏問：可不可。吏

將欲輕之，則故重之。不可否，還則故重之。不可否，還則故重之。不可否，還則故重之。

古文音義卷平上

雜記類一

二

都有筆爲
承字描摹
神注崔君
撥腕也
慨然入崔
斯立不合
小用者

噤不施用
是眼
只此了題

此段情景
乃不可否
不施用之
出豁也瀟
洒兀傲

曰得則退。不敢略省。漫不知何事。官雖尊。力勢反出。主簿尉下。諺數慢。必曰
丞。至以相訾警。丞之設。豈端使然哉。博陵崔斯立。種學績文。以蓄其有。泓涵
演迪。日大以肆。貞元初。挾其能。戰藝於京師。再進。再屈於人。元和初。以前大
理評事。言得失黜官。再轉而爲丞。茲邑。始至。喟曰。官無卑。顧材不足。塞職。既
噤不得施用。又喟曰。丞哉丞哉。余不負丞。而丞負余。則盡枿去。牙角一躡。故
跡破崖岸而爲之。丞廳故有記。壞漏污不可讀。斯立易枿與瓦。墁治壁。悉書
前任人名氏。庭有老槐四行。南牆鉅竹千挺。儼立若相持。水漉漉循除鳴。斯
立痛掃溉。對樹二松。日哦其間。有問者。輒對曰。余方有公事。子姑去。考功郎
中知制誥韓愈記。

註釋

主簿尉

唐官名

偪

與逼同。嫌疑也。鉗作籍。脅持也。

雁鷺行

謂其行如雁之排行。鷺之舒而不疾也。

睨

音詣。邪視也。諺

數慢

諺。或作劾。或作該。方從文苑云。謂諺語之所。舉計者以丞爲慢之最。且至以相訾嗽也。

訾警

見劉才甫息爭。

端直

崔斯立

字立之。貞元四年進士。泓

涵演池

謂如水之深沈。長流邪行也。

噤

口閉不言也。

枿

音莫。伐木餘也。

墁

音縵。墁壁之飾也。

漉

音斂。水聲。

韓退之畫記

方侍郎云。周人以後。無此種格力。歐公自謂不能爲。所爲曉其深處。而東

一句提
首記人皆
以數統事
類取有馬
者先之馬
於物卷中
獨多故也
至此脫馬
事

婦孺處後
束筆事與
數兼勒

此下本皆
記物緣馬
獨多故抽
記法視人
則略馬態
上皆馬態
秣者以下
比于同人
東筆同人

坡以所傳爲妄於此見知言之難

雜古今人物小畫共一卷。騎而立者五人。騎而被甲載兵立者十人。一人騎
執大旗前立。騎而被甲載兵行且下牽者十人。騎且負者二人。騎執器者二
人。騎擁田犬者一人。騎而牽者二人。騎而驅者三人。執羈勒立者二人。騎而
下倚馬臂隼而立者一人。騎而驅涉者二人。徒而驅牧者二人。坐而指使者
一人。甲冑手弓矢鈇鉞植者七人。甲冑執幟植者十人。負者七人。偃寢休者
二人。甲冑坐睡者一人。方涉者一人。坐而脫足者一人。寒附火者一人。雜執
器物役者八人。奉壺矢者一人。舍而具食者十有一人。挹且注者四人。牛牽
者二人。驢驅者四人。一人杖而負者。婦人以孺子載而可見者六人。載而上
下者三人。孺子戲者九人。凡人之事三十有二。爲人大小百二十有三。而莫
有同者焉。馬大者九匹。於馬之中。又有上者。下者。行者。牽者。涉者。陸者。翹者。
顧者。鳴者。寢者。訛者。立者。人立者。齧者。飲者。洩者。降者。痒磨樹者。噓者。
嗅者。喜相戲者。怒相踉嚼者。秣者。騎者。驟者。走者。載服物者。載狐兔者。凡馬
之事二十有七。爲馬大小八十有三。而莫有同者焉。牛大小十一頭。橐駝三

此乃記雜物先獸畜次器服束五字以少配多後幅述事

述趙君一層曲致感動人

贈之好結應首句拈句有餘韻

頭。驢如橐駝之數而加其一焉。隼一。犬羊狐兔麋鹿共三十。旃車三兩。雜兵器弓矢旌旗刀劍矛楯弓服矢房甲冑之屬。餅孟簋笠筐筥錡釜飲食服用之器。壺矢博奕之具。二百五十有一。皆曲極其妙。貞元甲戌年。余在京師甚無事。同居有獨孤生申叔者。始得此畫。而與余彈碁。余幸勝而獲焉。意甚惜之。以爲非一工人之所能運思。蓋藜集衆工人之所長耳。雖百金不願易也。明年。出京師至河陽。與二三客論畫品格。因出而觀之。坐有趙侍御者。君子人也。見之戚然。若有感然。少而進曰。噫。余之手模也。亡之且二十年矣。余少時常有志乎茲事。得國本。絕人事而摹得之。遊閩中而喪焉。居閒處獨。時往來。余懷也。以其始爲之勞。而夙好之篤也。今雖遇之。力不能爲已。且命工人存其大都焉。余既甚愛之。又感趙君之事。因以贈之。而記其人物之形狀與數。而時觀之以自釋焉。

註釋

羈

音譏。馬絡頭也。

鈞

音的。馬鞍也。

植

音殖。樹立也。

齧

音紇。齧也。

痒

與癢通。膚欲搔也。

踈

音弟。踈也。

嚙

與齧同。嚙也。

簋

音筮。筮之有柄可執者。如今之傘是。

音登。筮之有柄可執者。如今之傘是。

錡

音技。釜之有足者。

彈碁

沈全中云。彈碁有譜一卷。其局方二尺。中心高如覆孟。其顛爲小壺。四角微隱起。

韓退之新修滕王閣記

滕王名元嬰。唐高祖子。永徽中。爲洪州都督。建此閣。後封滕王。故曰滕王閣。在今江西南昌縣。南昌古號洪都。

懸想出閣
名賦起層
幻出一層
欲往爲刺
袁作空影
再幻出一
層殘過爲
刺袁作近
影

入正文提
出親臨上

頌其興除
頌其治效
湖水恰與
關應

叙還修閣

以前修別
新修

愈少時則聞江南多臨觀之美。而滕王閣獨爲第一。有瑰偉絕特之稱。及得三王所爲序賦記等。壯其文辭。益欲往一觀而讀之。以忘吾憂。繫官於朝。願莫之遂。十四年。以言事斥守揭陽。便道取疾。以至海上。又不得過南昌。而觀所謂滕王閣者。其冬。以天子進大號。加恩區內。移刺袁州。袁於南昌爲屬邑。私喜幸自語。以爲當得躬詣大府。受約束於下執事。及其無事且還。儻得一至其處。竊寄目償所願焉。至州之七月。詔以中書舍人太原王公爲御史中丞。觀察江南西道。洪江饒虔吉信撫袁悉屬治所。八州之人。前所不便及所願欲而不得者。公至之日。皆罷行之。大者驛聞。小者立變。春生秋殺。陽開陰閉。令修於庭戶數日之間。而人自得於湖山千里之外。吾雖欲出意見。論利害。聽命於幕下。而吾州乃無一事可假而行者。又安得捨己所事以勤館人。則滕王閣又無因而至焉矣。其歲九月。人吏浹和。公與監軍使燕於此閣。文武賓士皆與在席。酒半。合辭言曰。此屋不修且壞。前公爲從事此邦。適理新之。公所爲文實書在壁。今三十年而公來爲邦伯。適及期月。公又來燕於此。公烏得無情哉。公應曰。諾。於是棟楹梁桷板檻之腐黑撓折者。蓋瓦級甃之。

點承命作
記前景皆
從此出恰
好收應
虛帶閑景
仍是頌聲
餘韻

叙亭緣起
邱谷洞池
即置亭之
處亦即樂
山水伏筆

置亭虛按
申前出者
陷者等用
釋文體志
諸名義皆
一亭所攬

破缺者。赤白之漫漶不鮮者。治之則已。無侈前人。無廢後觀。工既訖功。公以衆飲。而以書命。愈曰。子其爲我記之。愈既以未得造觀爲歎。竊喜載名其上。詞列三王之次。有榮耀焉。乃不辭而承公命。其江山之好。登望之樂。雖老矣。如獲從公遊。尙能爲公賦之。元和十五年十月某日。袁州刺史韓愈記。

註釋

三王

王勃作序。王緒作賦。中丞王公爲從事。日作修閣記。

浹

音接。徹也。謂潤澤。浹洽相霑。徹也。

太原王公

元和十五年六月。中書舍人王仲舒爲洪州刺

史御史中丞。充江西觀察使。

專作博。

漫漶

謂滿去聲。漶讀如患。謂敝壞而不可辨別也。

邦伯

猶言此邦之長。

韓退之燕喜亭記

愈爲陽山令時作。陽山連州之屬也。

太原王弘中在連州。與學佛人景常元慧游。異日。從二人者行於其居之後。邱荒之間。上高而望。得異處焉。斬茅而嘉樹列。發石而清泉激。輦糞壤。燔榴翳。卻立而視之。出者突然成邱。陷者呀然成谷。窪者爲池。而缺者爲洞。若有鬼神異物。陰來相之。自是弘中與二人者。晨往而夕忘歸焉。乃立屋以避風雨。寒暑既成。愈請名之。其邱曰埃德之邱。蔽於古而顯於今。有埃之道也。其石谷曰謙受之谷。瀑曰振鷺之瀑。谷言德。瀑言容也。其土谷曰黃金之谷。瀑曰秩秩之瀑。谷言容。瀑言德也。洞曰寒居之洞。志其入時也。池曰君子之池。

或以爲陪
法非也
實點名亭
託州民之
口申前異
處陰相之
義引後樂
山水之文
王之所經
即公所經
翻出波瀾
挑起還朝
頌禱亦奇
寫心也
收出所期

虛以鍾其美。盈以出其惡也。泉之源曰天澤之泉。出高而施下也。合而名之。以屋曰燕喜之亭。取詩所謂魯侯燕喜者頌也。於是州民之老聞而相與觀焉。曰吾州之山水名天下。然而無與燕喜者比。經營於其側者相接也。而莫直其地。凡天作而地藏之以遺其人乎。弘中自吏部郎貶秩而來。次其道途所經。自藍田入商洛。涉浙湍。臨漢水。升峴首。以望方城。出荊門。下岷江。過洞庭。上湘水。行衡山之下。繇榔嶮嶺。猿狖所家。魚龍所宮。極幽遐瑰詭之觀。宜其於山水飫聞而厭見也。今其意乃若不足。傳曰智者樂水。仁者樂山。弘中之德。與其所好。可謂協矣。智以謀之。仁以居之。吾知其去是而羽儀於天朝。也不遠矣。遂刻石以記。

註釋

王弘中

字仲舒。自吏部員外郎。貶連州司戶參軍。

連州

見柳子厚墓誌銘。

榴鬢

榴音緇。鬢音去聲。木立死曰榴。自斃曰鬢。

呀

音蝦。空貌。

音蛙。低下之地也。

古俛

藍田

見藍田縣丞廳壁記。

商洛

唐縣。今陝西商縣東。

浙

水名。在河南浙川縣西南。

湍

水名。在河南鄧縣東南。

漢水

亦名襄江。發源

陝西。至湖北漢陽縣入江。

峴首

一曰峴山。在湖北襄陽縣。

方城

山名。在河南葉縣。

荊門

今湖北荊門縣。

岷江

亦曰汶江。大江之東源。北流經四川地。

洞庭

湖名。在湖南岳陽縣西南。

湘水

出廣西桂林縣。流至湖南湘陰縣入洞庭湖。

衡山

西嶽也。在今湖南衡山縣。

榔嶮

今湖南榔嶮縣。

嶺

即南嶺。山脈也。

狻

韓退之河南府同官記

蓋塢先生云。記中盧公者盧邁。趙公者趙宋儒。顧公者顧少連。鄭公當即鄭餘慶。新書不載其爲汜水主簿及留守東都。公送鄭涵校理序云。爲郎於都

官事相公於居守。涵即餘慶子。更名瀚者也。此餘慶為留守之證。

方侍郎云四番敘述不覺其尤

托河東公所自言為一篇之案

序事與平淮西碑一

又一轉纔見烟波

又轉入宦業近平自

永貞元年。愈自陽山移江陵法曹參軍。獲事河東公。公嘗與其從事言。建中

初。天子始紀年更元。命官司舉貞觀開元之烈。羣臣惕慄奉職。命材登良。不

敢私違。當時自齒朝之士而上。以及下百執事官闕。一人將補。必取其良。然

而河南同時於天下稱多。獨得將相五人。故於府之參軍。則得我公。於河南

主簿。則得故相國范陽盧公。於汜水主簿。則得故相國今太子賓客滎陽鄭

公。於陸渾主簿。則得相國今吏部侍郎天水趙公。於登封主簿。則得故吏部

尚書東都留守吳郡顧公。盧公去河南為右補闕。其後由尚書右丞至宰相。

鄭公去汜水為監察御史。佐山南軍。其後由工部侍郎至宰相。罷而又為趙

公。去陸渾為右拾遺。其後由給事中為宰相。顧公去登封為監察御史。其後

由京兆尹至吏部尚書東都留守。我公去府為長水尉。其後由膳部郎中為

荊南節度行軍司馬。遂為節度使。自工部尚書至吏部尚書。三相國之勞在

史冊。顧吏部慎職小心。於時有聲。我公愿潔而沈密。開亮而卓偉。行茂於宗。

不酌不歸
重隨而歸
公於河東

定記為妻
公設故一
句收住

事修於宮。嗣紹家烈。不違其先。作帥南荆。厥聞休顯。武志既揚。文教亦熙。登槐贊元。其慶且至。故好語故事者。以為五公之始迹也。同其後進而偕大也。亦同其稱名臣也。又同官職雖分而功德有巨細。其有忠勞於國家也。同有若將同其後。而先同其初也。有聞而問者。於是焉書。既五年。始立石刻。其語河南府參軍舍庭中。於時河東公為左僕射宰相。出藩大邦。開府漢南。鄭公以工部尚書留守東都。趙公以吏部尚書鎮江陵。漢南地連七州。戎士十萬。其官宰相也。留守之官。居禁省中。歲時出旌旗。序留守司文武百官于宮城門外。而衙之。江陵故楚都也。戎士五萬。三公同時。千里相望。可謂盛矣。河東公名均。姓裴氏。

註釋

河東公

裴均字君齊河東人

貞觀

唐太宗年號

開元

唐玄宗年號

惕慄

惕直疾貌。慄戰懼貌。

盧公

盧邁字子立范陽人

汜

水

河南襄城縣

鄭公

鄭餘慶字居業滎陽人

陸渾

今河南嵩縣

趙公

趙宗儒字乘文鄆州人

登封

今河南登封縣

顧公

顧少連字夷仲蘇州人

山南

今陝西終南山以南及河南南陽南召鎮平等縣湖北大部四川東北部是也

京兆尹

唐官名轄今陝西長安咸寧等縣

荆南

荆南今湖北江陵縣南唐曰荊州置荆南

節度使

韓退之汴州東西水門記并序

愈時佐董晉

在汴州作

古文辭類纂平注

雜記類一

六

風水之說
儒者不道
妙於渾雅
讀之不覺

虧疏宜洩
兼盜賊言
故以此二
語應之

貞元十四年正月戊子。隴西公命作東西水門。越三月辛巳朔。水門成。三日癸未。大合樂。設水嬉會。監軍軍司馬賓佐僚屬將校熊羆之士。肅四方之賓客以落之。士女和會。闐郭溢郭。既卒事。其從事昌黎韓愈請紀成績。其詞曰。維汴州河。水自中注。厥初距河為城。其不合者。誕置連鎖於河。宵浮晝湛。舟不潛通。然其襟抱虧疏。風氣宣洩。邑居弗甯。訛言屢騰。歷載以來。孰究孰思。皇帝御天下。十有八載。此邦之人。遭逢疾威。嚚童噉噬。劫衆阻兵。凜凜栗栗。若墜若覆。時維隴西公。受命作藩。爰自洛京。單車來臨。遂拯其危。遂去其疵。弗肅弗厲。薰為太和。神應祥福。五穀穰熟。既庶而豐。人力有餘。監軍是咨。司馬是謀。乃作水門。為邦之郭。以固風氣。以閉寇偷。黃流渾渾。飛閣渠渠。因而飾之。匪為觀遊。天子之武。維隴西公是布。天子之文。維隴西公是宣。河之芸芸。源於崑崙。天子萬祀。公多受祉。乃伐山石。刻之日月。是俾來者。知作之所始。

註釋

隴西公

董晉本仲舒之裔。自廣州徙隴西。

落

建築始成所行之禮也。

闐

音田。滿也。

郭

音孚。郭也。

誕

音但。大也。

嚚

音銀。愚也。

噉

音叫。號呼也。

聲。與呼同。閉音翰。里崑崙山名。

清微蕭遠
別有襟抱

低徊唱嘆
深遠不盡
無韻之詩
也

韓退之題李生壁

余始得李生於河中。今相遇於下邳。自始及今十四年矣。始相見。吾與之皆未冠。未通人事。追思多有可笑者。與生皆然也。今者相遇。皆有妻子。昔時無度量之心。甯復可有是。生之爲交。何其近古人也。是來也。余黜於徐州。將西居於洛陽。汎舟於清洽池。泊於文雅臺下。西望商邱。東望修竹園。入微子廟。求鄒陽枚叔司馬相如之故文。久立於廟陛間。悲那頌之不作。於是者已久。隴西李翱。太原王涯。上谷侯喜。實同與焉。貞元十六年五月十四日昌黎韓愈書。

註釋

下邳

今江蘇邳縣

徐州

見歐陽永叔資政殿學士文正范公神道碑銘

洛陽

今河南洛陽縣

清洽池文雅臺商邱

修竹園

皆在睢陽即梁孝王城

鄒陽

齊人

枚叔

枚乘字叔漢淮陰人

相如

姓司馬字長卿漢成都人

古文辭類纂評註卷五十一終

雜記類二

古文辭類纂評註卷五十二

桐城桃鼎纂集

柳子厚游黃溪記

兩壘陪挑 由關而緊 以尊題為 點題法 黃祠名溪 之主先揭 出即所徒 今祠也 貼祠一層 之景 次就祠清 出溪源 又次皆循 溪行去祠 漸遠 有魚有鳥 相配即目 點染最活 至是益遠 於祠怡得 舊神居映 合單志黃

北之晉西適邇東極吳南至楚越之交其間名山水而州者以百數永最善環永之治百里北至於浯溪西至於湘之源南至於瀧泉東至於黃溪東屯

其間名山水而村者以百數黃溪最善黃溪拒州治七十里由東屯南行六

百步至黃神祠祠之上兩山牆立如丹碧之華葉駢植與山升降其缺者為

崖峭巖窟水之中皆小石平布黃神之上揭水八十步至初潭最奇麗殆不

可狀其略若剖大甕側立千尺溪水即焉黛蓄膏滄來若白虹沈沈無聲有

魚數百尾方來會石下南去又行百步至第二潭石皆巍然臨峻流若頽頽

斷齧其下大石離列可坐飲食有鳥赤首鳥翼大如鵠方東嚮立熊按朱子謂山海經所紀

異物有云東西嚮者蓋以其有圖畫在前故也此言最當子厚不悟作山水記效之蓋無謂也後人又有以子厚此等為工而效法者益失之矣自是又南數里地皆一

狀樹益壯石益瘦水鳴皆鏘然又南一里至大冥之川山舒水緩有土田始

黃神為人時居其地傳者曰黃神王姓莽之世也莽既死神更號黃氏逃來

記作亭

記名亭

就名亭之
義生出波
瀾

橫插一頌
古趣洋溢

起三句為
宴遊二字
作翻其隙

非人力也。乃立游亭。以宅厥中。直亭之西。石若掖分。可以眺望。其上青壁斗絕。沈於淵源。莫究其極。自下而望。則合乎攢巒。與山無窮。明日。州邑耆老。雜然而至。曰。吾儕生是州。藝是野。眉脰齒鯢。未嘗知此。豈天墜地出。設茲神物。以彰我公之德歟。既賀而請名。公曰。是石之數。不可知也。以其多而命之曰。萬石亭。耆老又言曰。懿夫公之名亭也。豈專狀物而已哉。公嘗六為二千石。既盈其數。然而有道之士。咸恨推公之嘉績。未洽於人。敢頌休聲。祝公於明神。漢之三公。秩號萬石。我公之德。宜受茲錫。漢有禮臣。惟萬石君。我公之化。始於閨門。道合於古。祐之自天。野夫獻詞。公壽萬年。宗元嘗以賤奏隸尚書。敢專筆削。以附零陵故事。時元和十年正月五日記。

註釋

崔公

唐崔敏。清河人。憲宗時改永州刺史。

永州

見游黃溪記。

藜翳

藜同叢。翳本自斃也。

披

音批。開也。

奧

深秘不易。窺者曰奧。

呀

張口

與穢同。蕪也。

攢

祖完切。聚也。

巒

音巒。山之紆回。綿連者曰巒。

龐

莫江切。雜也。

鯢

音倪。鯨之雌者。

萬石君

漢石翁。河內溫人。景帝朝為九卿。其四子

皆官至二千石。

零陵

即永州。漢置零陵郡。唐為永州。天寶初亦曰零陵郡。乾元初復故。

柳子厚始得西山宴遊記

自余為僇人。居是州。恆惴慄。其隙也。則施施而行。漫漫而遊。日與其徒上高

也下為始
字作勢

反落
因上篇來

先得始字
後寫得字

得之之快

醒始得

此寫宴遊
之趣

正點結

下不質秀多言言

山入深林窮迴溪幽泉怪石無遠不到到則披草而坐傾壺而醉醉則更相
枕以臥意有所極夢亦同趣覺而起起而歸以為凡是州之山有異態者皆
我有也而未始知西山之怪特今年九月二十八日因坐法華西亭望西山
始指異之遂命僕過湘江緣染溪斫榛莽焚茅筏窮山之高而止攀援而登
箕踞而遨則凡數州之土壤皆在衽席之下其高下之勢呀然洼然若坳若
穴尺寸千里攢蹙累積莫得遐隱縈青繚白外與天際四望如一然後知是
山之特出不與培塿為類悠悠乎與灑氣俱而莫得其涯洋洋乎與造物者
游而不知其所窮引觴滿酌頽然就醉不知日之入蒼然暮色自遠而至至
無所見而猶不欲歸心凝形釋與萬化冥合然後知吾嚮之未始游游於是
乎始故為之文以志是歲元和四年也

註釋

儻音六慄憂懼隙音裕施施難逢漫漫無檢西山零陵城西二里湘江見游

記 染溪即愚溪一名冉溪原出零陵 呀然呀虛加切谷 洼然注音娃深 攢見永州萬 蹙音蹙

縈音縈繚音聊培音裴土塿音隗小灑音皓夷涯崖隙凝定也嚴冥暗

柳子厚鈞鉅潭記潭在西山西麓冉溪所匯也潭之西為小邱邱之西為小石潭

點題因上
篇來
潭之上流
略類瀑
有泉即後
所云行於
高者

月固與水
宜尤與懸
泉宜
結語警然

帶潭出邱
邱即在潭
上也
此下專記
邱

售四百伏
遭字

鉛錡潭在山西。其始蓋冉水自南奔注。抵山石。屈折東流。其顛委勢峻。盪擊益暴。齧其涯。故旁廣而中深。畢至石乃止。流沫成輪。然後徐行。其清而平者。且十畝。有樹環焉。有泉懸焉。其上有居者。以予之亟游也。一旦款門來告曰。不勝官租私券之委積。既芟山而更居。願以潭上田質財。以緩禍。予樂而如其言。則崇其臺。延其檻。行其泉。於高者墜之。潭有聲淅然。尤與中秋觀月為宜。於以見天之高。氣之迴。孰使予樂居夷而忘故土者。非茲潭也歟。

註釋

西山

見西山宴遊記

冉水

一名冉溪。自柳州改名愚溪。詳見西山宴遊記。染溪註。

齧

音臬。齒相切物也。

畢至石乃止

水皆至石而止。

款

義同私券也。

更居

更平聲。移也。

漱

水曰漱。

迴

遠也。

居夷

零陵縣雜苗夷而居。論語子欲居九夷。

柳子厚鉛錡潭西小邱記

得西山後八日。尋山口西北道二百步。又得鉛錡潭。西二十五步。當湍而峻者。為魚梁。梁之上。有邱焉。生竹樹。其石之突怒偃蹇。負土而出。爭為奇狀者。殆不可數。其嶽然相累而下者。若牛馬之飲於溪。其衝然角力而上者。若熊羆之登於山。邱之小不能一畝。可以籠而有之。問其主。曰。唐氏之棄地。貨而不售。問其價。曰。止四百。余憐而售之。李深源元克已時同遊。皆大喜。出自意。

九字峻峭
勒住
此下連潭
并寫

趣皆從潭
得機神互
顯且使賀
遭之興益
濃

發慨寄託
遭字解嘲
也

因上篇引
趣
先出潭後
寫石
潭魚點綴
空遊激影

外。卽更取器用。剷刈穢草。伐去惡木。烈火而焚之。嘉木立。美竹露。奇石顯。由其中以望。則山之高。雲之浮。溪之流。鳥獸魚之遨遊。舉熙熙然。迴巧獻技。以效茲邱之下。枕席而臥。則清冷之狀。與目謀。潏潏之聲。與耳謀。悠然而虛者。與神謀。淵然而靜者。與心謀。不匝旬而得異地者。二雖古好事之士。或未能至焉。噫。以茲邱之勝。致之豐鎬鄠杜。則貴游之士。爭買者。日增千金。而愈不可得。今棄是州也。農夫漁父。過而陋之。價四百。連歲不能售。而我與深源克己。獨喜得之。是其果有遭乎。書於石。所以賀茲邱之遭也。

註釋

步 五尺為步。湍急水也。

魚梁 堰石障水。而空其中。以通魚之往來。

突怒 聳起也。

偃蹇 驕態。

嶽然 石勢聳立貌。

籠 包舉之也。

貨而不售 欲賣之而無人願購也。

李深源元克己 二人皆柳州友。

剷 音產。

潏潏 水流之聲。

豐 在今陝西臨潼縣東北。

鎬 在陝西長

鄠 在陝西長

安縣西北。鄠音戶。在今陝西咸陽縣治北。杜寧縣東南。

柳子厚至小邱西小石潭記

從小邱西行百二十步。隔篁竹。聞水聲如鳴佩環。心樂之。伐竹取道。下見小潭。水尤清冽。全石以為底。近岸。卷石底以出。為坻。為嶼。為巖。青樹翠蔓。蒙絡搖綴。參差披拂。潭中魚可百許頭。皆若空遊無所依。日光下徹。影布石

正顯白石
底妙絕
留取不盡

過清二字
評出全神
住法翩然

出主名
寫渴亦開
亦簡亦盡
亦不盡
留渴中一
小山另出
生趣
列諸卉木
為風起蓄
勢
越從風出
通首生動
在此

上怡然不動。俶爾遠逝。往來翕忽。似與遊者相樂。潭西南兩望。斗折蛇行。明滅可見。其岸勢犬牙差互。不可知其源。坐潭上。四面竹樹環合。寂寥無人。凄神寒骨。悄愴幽邃。以其境過清。不可久居。乃記之而去。同遊者。吳武陵。曩古余弟宗玄。隸而從者。崔氏二小生。曰恕己。曰奉壹。

註釋

篁

叢竹也

坻

水中高地也

嶼

小島也

巖

巖高險貌

俶爾

倏忽貌

犬牙

參錯不齊如犬之張牙

柳子厚袁家渴記

袁家渴在瀟江詩朝陽巖東渴之西南為石渠渠之西北曰石矚

由冉溪西南水行十里山水之可取者五莫若鈇鋸潭由溪口而西陸行可

取者八九莫若西山由朝陽巖東南水行至蕪江可取者三莫若袁家渴皆

永中幽麗奇處也楚越之間方言謂水之反流者為渴音若衣褐之褐渴上

與南館高嶂合下與百家瀨合其中重洲小溪澄潭淺渚間厠曲折平者深

黑峻者沸白舟行若窮忽又無際有小山出水中山皆美石上生青叢冬夏

常蔚然其旁多巖洞其下多白礫其樹多楓栲石楠榿檣樟柚草則蘭芷又

有異卉類合歡而蔓生繆轆水石每風自四山而下振動大木掩菴衆草紛

紅駭綠蒼蘄香氣衝濤旋瀨退貯谿谷搖颺葳蕤與時推移其大都如此余

古文辭類彙纂平注

雜記類二

四

前註渴字
此註袁字
別趣可喜

無以窮其狀。永之人未嘗遊焉。余得之不敢專也。出而傳於世。其地世主袁氏。故以名焉。

註釋 冉溪 一名愚溪。註詳去聲。相鉗。澗記冉水。間也。 廁 初吏切。雜也。 蔚然 音尉。草本盛貌。 礫 音歷。小石也。 楓 葉分裂作掌狀。經秋而紅。

形似豫樟。江南多產之。 石楠 葉堅厚而光澤。樹形如蓋。經冬不凋。 榎 便平聲。或作楮。似梓。似豫樟。作屋柱不腐。 樟 豫樟。大木也。或作豫章。 柚 音右。大曰橘。小曰柚。

芷 香草名。 合歡 草名。 鞦韆 鞦。古交切。鞦。音葛。雜亂貌。 掩苒 苒。音冉。掩。音葛。雜亂貌。 蒼勃 蒼。音翁。上聲。勃。音翁。上聲。草木盛貌。 葳蕤 葳。音威。蕤。音威。草名。佳切。草貌。

貌盛

柳子厚石渠記

茅順甫云清冽

自渴西南行不能百步。得石渠。民橋其上。有泉幽幽然。其鳴乍大乍細。渠之廣或咫尺。或倍尺。其長可十許步。其流抵大石。伏出其下。踰石而往。有石泓。昌蒲被之。青鮮環周。又折西行。旁陷巖石下。北墮小潭。潭幅員減百尺。清深多儵魚。又北。曲行紆餘。睨若無窮。然卒入於渴。其側皆詭石怪木。奇卉美箭。可列坐而庥焉。風搖其巔。韻動崖谷。視之既靜。其聽始遠。予從州牧得之。攬去翳朽。決疏土石。既崇而焚。既醜而盈。惜其未始有傳焉者。故累記其所屬。

自渴逆行
而上得渠
是主
踰石再上
有泓有潭
皆在渴之
上流
回筆一束
綴景亦以
風前駭動
此靜遠善
括累記句善

紀時分鎮
統之以渠
還題也住
筆淨

因渠來并
因窮字來
法變
倍渠山之
即澗也暗
點又變
總會衆妙
一束
借賓定主
勒住
窮字有餘
音所留無
盡而遊境
自此盡矣

遺之其人書之其陽俾後好事者求之得以易元和七年正月八日。蠲渠至大石。十月十九日。踰石得石泓小潭。渠之美。於是始窮也。

註釋

渠 水所居也

咫 八寸曰咫

伏 山下出泉曰伏

泓 水所聚也

幅員 邊曰幅周曰員

儵魚 儵音由俗呼參

條性好遊故名

睨 斜視也

箭

竹之小者

床 音休依止也

翳 見韓退之燕喜亭記

既醜而盈 醜音醜分也分導其

蠲 音涓除也

蠲 音涓除也

蠲 音涓除也

蠲 音涓除也

蠲 音涓除也

蠲 音涓除也

蠲 音涓除也

蠲 音涓除也

蠲 音涓除也

蠲 音涓除也

柳子厚石澗記

石渠之事既窮。上由橋西北下。土山之陰。民又橋焉。其水之大。倍石渠三之。巨石爲底。達於兩涯。若牀若堂。若陳筵席。若限閭奧。水平布其上。流若織文。響若操琴。揭跣而往。折竹掃陳葉。排腐木。可羅胡牀十八九。居之。交絡之流。觸激之音。皆在牀下。翠羽之木。龍鱗之石。均蔭其上。古之人其有樂乎此耶。後之來者。有能追余之踐履耶。得意之日。與石渠同。由渴而來者。先石渠。後石澗。由百家瀨上而來者。先石澗。後石渠。澗之可窮者。皆出石城村東南。其間可樂者數焉。其上深山幽林。逾峭險。道狹。不可窮也。

註釋

閭 音困門限也

奧 室之西南隅也

揭 音翫蹇衣涉水也

跣 音銑赤足也

胡牀 胡床之製自絡

絡 音絡也

絡 音絡也

絡 音絡也

絡 音絡也

絡 音絡也

絡 音絡也

絡 音絡也

柳子厚小石城山記

古文詳頁纂平主

雜記類二

五

亦以西山
爲因又一
路刻畫石
城伏疑信
之根

造物有無
篇篇可入
何獨繁之
於此只爲
山石似城
奇從天作
獨此全不
倚人工故
也

狀棄地之
穢惡樹植
爬梳樹植
建築

自西山道口徑北踰黃茅嶺而下有二道其一西出尋之無所得其一少北而東不過四十丈土斷而川分有積石橫當其垠其上爲睥睨梁欂之形其旁出堡塢有若門焉窺之正黑投以小石洞然有水聲其響之激越良久乃已環之可上望甚遠無土壤而生嘉樹美箭益奇而堅其疏數偃仰類智者所施設也噫吾疑造物者之有無久矣及是愈以爲誠有又怪其不爲之於中州而列是夷狄更千百年不得一售其伎是固勞而無用神者儻不宜如是則其果無乎或曰以慰夫賢而辱於此者或曰其氣之靈不爲偉人而獨爲是物故楚之南少人而多石是二者余未信之

註釋

垠

音銀岸也 睥睨 城上垣曰睥睨一作埤現

梁欂

梁負棟橫木欂棟也

堡塢

小障也

激越

聲清遠也

數

音促密也

柳子厚柳州東亭記

出州南譙門左行二十六步有棄地在道南南值江西際垂楊傳置東曰東館其內草木猥與有崖谷傾亞缺圯豕得以爲囿蛇得以爲藪人莫能居至是始命披剌蠲疏樹以竹箭松檉桂檜柏杉易爲堂亭峭爲杠梁下上徊翔前出兩翼馮空拒江江化爲湖衆山橫環嶮闊澗灣當邑居之劇而忘乎人

記闢室以爲亭之襯
點作亭
五室之效
驗

先清州治以潯水作
線就背石之
支川入潯
水遂以潯
水提線
諸山中問
并帶一泉
是撮叙法

間斯亦奇矣。乃取館之北宇，右闢之以爲夕室，取傳置之東宇，左闢之以爲朝室。又北闢之以爲陰室，作屋於北牖下，以爲陽室。作斯亭於中，以爲中室。朝室以夕居之，夕室以朝居之，中室日中而居之，陰室以違溫風焉，陽室以違淒風焉。若無寒暑也，則朝夕復其號。既成，作石於中室，書以告後之人。庶勿壞。元和十二年九月某日柳宗元記。

註釋

譙門 譙音樵，譙門，門上高樓，以望遠者。

傳置 傳，去聲。傳置，驛站也。

猥 烏賄切，雜也。多也。

剗 音拂，斫斷也。

檉 音穎，河柳也。一名觀音柳。

檜

有二種，一針狀葉，一細葉，如鱗一名括，俗謂之圓栢。

易 去聲，居郎切，小橋也。

嶮 音聊，高也。

澗 伊盈切，澗，水絕遠貌。

牖 窗戶也。

朝室 夕居

夕室朝居，乃調和寒暑之意。陰室宜於夏，陽室宜於冬，若非甚寒甚暑，則朝夕仍復其故。

違 去也。

元和 見韓退之張中丞傳書後。

柳子厚柳州山水近治可遊者記

古之州治在潯水南山石間。今徙在水北，直平四十里。南北東西皆水匯。北有雙山，夾道嶄然，曰背石山。有支川東流入於潯水。潯水因是北而東，盡大壁下。其壁曰龍壁，其下多秀石可硯。南絕水，有山無麓，廣百尋，高五丈。下上若一。曰甌山。山之南皆大山，多奇。又南且西，曰駕鶴山，壯聳環立。古州治負焉。有泉在坎下，常盈而不流。南有山，正方而崇，類屏者曰屏山。其西曰四姥

遙接潯水因是北之北字亦以潯水提線就其西詳記仙奕一山是單叙法其所詳其山以上在穴起其穴之東小穴一屏南小穴又一其上又一一魚山加染在靈泉雷山加染在雷塘峨山水拖尾以流入潯水還篇線

山皆獨立不倚。北流潯水瀨下。李穆堂云北流潯水瀨下流字當作枕又西曰仙弈之山山之西可

上。其上有穴。穴有屏。有室。有宇。其宇下。有流石。成形如肺肝。如茄房。或積於

下。如人如禽。如器物。甚衆。東西九十尺。南北少半。東登入小穴。常有四尺。則

廓然甚大。無竅。正黑。燭之。高僅見其宇。皆流石怪狀。由屏南室中入小穴。倍

常而上。始黑。已而大明。為上室。由上室而上。有穴。北出之。乃臨大野。飛鳥皆

視其背。其始登者。得石枰於上。黑肌而赤脈。十有八道可弈。故以云。其山多

檉。多櫛。多篔簹之竹。多橐吾。多橐吾。穆堂改多囊荷。伯父云爾雅菹葵。類凍注。款冬也。邢疏本草款冬一名橐吾。其鳥多秭歸。石

魚之山。全石。無大草木。山小而高。其形如立魚。在多秭歸。西有穴。類仙弈。入

其穴。東出。其西北靈泉。在東趾下。有麓環之。泉大類穀雷鳴。西奔二十尺。有

洄。在石澗。因伏無所見。多綠青之魚。及石鯽。多儵。雷山兩崖皆東西。雷山兩崖皆東西。魚

疑西字當作面雷水出焉。蓄崖中曰雷塘。能出雲氣。作雷雨。變見有光。禱用俎魚豆

彘。修形。精徐酒。方侍郎云。形當作刑。銅羹也。見周官內外饗職。陰虔則應。在立魚南。其間多美山。無名而

深。峨山在野中。無麓。峨水出焉。東流入於潯水。

註釋

潯水

在湖南零陵縣城南

嶄然

嶄。士減切。山高峻貌。

盡大壁下

水至大壁下。折而易向也。可硯。可為硯材。麓。音洛。山脚。負。背倚。

也。姥同。瀨水勢湍急之處曰瀨。茄房茄蒂也。少半不及半也。飛鳥皆視其背言俯瞰飛鳥。黑肌赤脈

石黑而柳見柳州。楛見袁家。笄音雲當竹之最大者。橐吾款冬也。秭歸秭歸即子規也。韞音谷輻所湊也。洄音回逆流而上曰洄

儵見石渠記。精音荷祀神之米也。徐酒徐州所產之酒也

古文辭類纂評註卷五十二終